



**ВОСКРЕСНЫЕ
СЛУЖБЫ
ПОСТНОЙ
ТРИОДИ**

МОСКВА • 2000



ОТ СОСТАВИТЕЛЯ

В настоящей публикации мы предлагаем вниманию клирошан воскресные службы периода пения Триоди Постной. Как в уставном отношении, так и в насыщенности особо значимыми песнопениями, эти службы заставляют клиросных церковнослужителей встретить этот период с особым напряжением - как духовным, так и технологическим.

Наша книга является воскресным вариантом Триоди Постной. По замыслу составителя причина ее появления связана с несколькими обстоятельствами:

1. Воскресное служение в период Великого Поста существенно отличается от будничного, поэтому эта публикация отражает общие свойства только воскресных служб, не затрагивая материал будничного служения.¹

2. Богослужбная книга Постная Триодь содержит как поющиеся, так и читаемые элементы служб. Наличие нашей публикации позволит регенту поставить на клиросе адаптированный для пения вариант Триоди, а саму Триодь отдать священнику или чтецу, поскольку читаемые разделы Триоди в этой публикации отсутствуют.

3. Составители Постной Триоди в ряде случаев предполагали, по-видимому, достаточно высокую квалификацию церковных певчих, поэтому позволяли себе экономное изложение материала, пропуская «по умолчанию» информацию, саму собой разумеемую. Тем не менее, мы не рискуем утверждать, что, например, стих «Возвеселюся и возрадуюся о Тебе...» (Неделя мясопустная, 3-я хвалитная стихира) с легкостью сможет наизусть закончить каждый регент со своим хором. Этот пример, наряду с ему подобными, заставили нас несколько подробнее сформулировать многие указания Триоди. Поэтому наша публикация отличается от Триоди не только разделителями в стихирах и русской транскрипцией текста, но и более подробными (по сравнению с оригиналом) уставными комментариями.

4. Между различными публикациями песнопений в Неделю Крестопоклонную существуют неизбежные разночтения, касающиеся упоминания Царского титула в тропаре, кондаке и отдельных стихирах этой службы. Поскольку четкого указания Богослужбной комиссии на этот счет к моменту составления публикации не существует, ограничимся пожеланием не исполнять песнопения этой службы по разным изданиям одновременно.

¹ Мы рекомендуем комбинировать проведение воскресных служб по этой книге с будничным служением по изданию «Седмичные службы Великого поста» М., Изд. Паломник, 1999 г.



5. Мы включили в публикацию не только безусловно уставную информацию, содержащуюся в Триоди, но и рекомендации к наиболее распространенным традициям Русской Православной Церкви. Так, например, в этой книге помещен чин молебна в Неделю Торжества Православия, содержатся указания на место помещения в вечерних службах акафиста Страстям Христовым – Пассии. Чинопоследование Пассии мы не ввели в публикацию, памятуя о том, что оно недавно издано Московской Патриархией (и, кстати отметить, отлично издано!). Тем не менее мы сочли уместным включить в нотное приложение песнопения Страстей Христовых, не вошедших в патриархийное издание.

6. После основного текста воскресных служб мы помещаем таблицы Марковых глав, содержащих устав соединения этих служб с основными праздниками Минеи, приходящимися на этот период - Сретения, Обретения главы Иоанна Предтечи, Сорока мучеников и Благовещения. Практика показывает, что изложение устава в форме таблиц сильно облегчает его прочтение, и эту форму использовали такие авторитетные толкователи устава, как В. Розанов, К. Никольский, А. Неаполитанский, А. Свирелин и др.

7. Нотное приложение к публикации рассчитано на различные составы, как по количеству голосов, так и по уровню сложности. Тем не менее, следуя традициям наших изданий, основной музыкальный материал рассчитан на небольшой смешанный состав и не отличается особой вычурностью. Приложение содержит как широко известные произведения, наподобие «Покаяния» А. Веделя, или «На реках Вавилонских» Крупицкого, так и песнопения, никогда ранее не опубликованные. Мы включили в нотное приложение две катавасии, которых нет в известных нотных ирмологиях А. Львова, А. Архангельского, П. Чеснокова и др., но тем не менее они являются важным элементом в своих службах. Публикуемые катавасии («Моисейскую песнь...» и «Божественный прообрази...») принадлежат распеву Троице-Сергиевой лавры, и гармонизованы в соответствии с нормами современного обихода.

Надеемся, что эта книга придаст уверенности и спокойствия руководителю церковного хора (а особенно начинающему) на воскресной всенощной, когда настанет время воззвать с клироса к православному народу:

– Не помолимся фарисейски, братие...


Е. Кустовский



© Храм Трех Святителей на Кулишках

© Составление, верстка Е. Кустовский, В. Вероцкий

Компьютерный набор Е. Кустовский, М. Поклад



**Неделя,
в нюже чтется священное и святое Евангелие
притчи о мытаре и фарисее.***

В субботу вечера,

по предначинательном псалме, стихословим

Блажён мўж: 1-ю кафисму всю.

На Гóсподи воззва́х: поставим стихов 10, и поем Осмогласника стихиры воскресны 3 и анатолиевы 4 и Триоди самогласны две, повторяюще первую.

Глас 1:

Стих: Я́ко у Го́спода ми́лость и мно́гое у Него́ избавле́ние/ и Той изба́вит Изра́иля от всех беззако́ний его́.

Не помо́лимся фарисе́йски, бра́тие:/ и́бо вознося́й себе́ смири́тся./ Смирим себе́ пред Бо́гом,/ мыта́рски поще́нием зову́ще:// очи́сти ны, Бо́же, грешны́я.

Стих: Хвали́те Го́спода вси язы́цы/ похвали́те Его́ вси лю́дие.

Паки таяжде стихи́ра.

Стих: Я́ко утверди́ся ми́лость Его́ на нас/ и и́стина Госпо́дня пребыва́ет во век.

Фарисе́й тщесла́вием побежда́емь,/ и мыта́рь пока́нием приклоня́емь,/ присту́писта к Тебе́ Еди́ному Влады́це;/ но ов у́бо похвали́вся, лишис́я благи́х,/ ов же ничто́же веща́в, сподо́бися дарова́ний./ В сих воздыха́ниях утверди́ мя, Христé Бо́же, // я́ко Человеколю́бец.

Слава, глас 8:

Вседержи́телю Го́споди,/ вем, коли́ко мо́гут слéзы:/ Езекию́ бо от вра́т сме́ртных возведо́ша,/ грешную́ от многоле́тних согреше́ний изба́виша,/ мыта́ря же па́че фарисе́а оправда́ша:// и молю́ся, с ни́ми причта́в, поми́луй мя.

* В это и все последующие воскресения Триоди постной Минея оставляется, служба только по Октоиху и Триоди. Исключением являются такие службы из Минеи, как Сретение Господне с предпразднством и попразднством, великие святыи, храмовые святыи. О порядке соединения см. Марковы главы, стр. 70.

**И ныне, Богородичен догматик гласа.
На литии стихира святого обителя, по обычаю.**

Слава, глас 3:

**Мытаря́ и фарисе́а разли́чие разумéвши душе́ моя́,/
о́наго ўбо возненави́ждь горды́нный гласъ,/
о́ваго же ревну́й благоуми́ленной моли́тве, и возопи́й://
Бо́же, очи́сти мя грéшнаго, и поми́луй мя.**

И ныне, глас тойже:

**Без се́мене от Божéственного Ду́ха,/
во́лею же Отчею зачала́ Сы́на Бо́жия,/
от Отца́ без Ма́тере пре́жде век суща;/
нас же ра́ди, из Тебе́ без Отца́ бы́вша,/
плóтию родила́ еси́,/
и Младéнца млеко́м пита́ла еси́./
Тéмже не преста́й моли́ти,/
изба́виться от бед душáм нáшим.**

На стиховне стихиры Октоиха.

Слава, глас 5:

**Отягчénными очима́ мойма́ от беззакóний мойхъ,/
не могу́ възрéти и видети́ высотú небéсную:/
но приими́ мя, я́ко мытаря́ ка́ющася, Спа́се,/
и поми́луй мя.**

И ныне, глас тойже:

**Храм и дверь еси́,/
пала́та и престóл Царéв,/
Дéво Всечестна́я,/
Ею́же Иза́витель мой, Христóс Господь,/
во тьме спя́щим яви́ся,/
Сóлнце сый правды, просвети́ти хотя́,/
я́же созда́ по óбразу Своему́ руко́ю Своею./
Тéмже Всепéтая,/
я́ко Ма́терне дерзновéние к Немú стяжавша́,/
непреста́нно моли́ спастис́я душáм нáшим.**

Тропарь: Богóродице Дéво: трижды.

На утрени,

по шести псалмех, Бог Господь: на глас осмогласника. И глаголем тропарь воскресен дважды, Слава, и ныне: Богородичен его, и обычныя кафисмы. Седальны Октоиха. По непорочных тропари: Ангельский собор: Ипакои гласа. Степенны и прокимен гласа; Всякое дыхáние: Евангелие воскресно ряду. Воскресéние Христо́во:

Слава, глас 8:

**Покая́ния отве́рзи ми двéри, Жизнода́вче,/
у́тренюет бо дух мой ко хра́му свято́му Твоему́,/
храм нося́й телéсный весь осквернён:/
но я́ко Щедр, очи́сти// благоутрóбною Твоею́ ми́лостию.**

И ныне, Богородичен:

**На спасения стези настави мя, Богородице,/ студными
бо окалях душу грехми,/ и в лености все житие мое иждих://
но Твоими молитвами избави мя от всякия нечистоты.**

Таже, глас 6:

**Помилуй мя, Боже/ по велицей милости Твоей/ и по
множеству щедрот Твоих,/ очисти беззаконие мое.**

**Множества содеянных мною лютых,/ помышляя окаян-
ный,/ трепещу страшнаго дне суднаго;/ но надеяся на милость
благоутробия Твоего,/ яко Давид вопию Ти:// помилуй мя,
Боже, по велицей Твоей милости.**

**Канон воскресен Осмогласника, со ирмосом на 4, и Крестовоскресный
на 2, и Богородицы на 2; и в Триоди на 6.**

Катавасия Триоди, глас 4:

Песнь 1:

**Отверзу уста моя,/ и наполнятся Духа,/ и слово отрыгну
Царице Матери,/ и явлюся, светло торжествуя,// и воспою,
радуясь, Тоя чудеса.**

Песнь 3:

**Твоя песнословцы, Богородице,/ Живый и
Независтный Источниче,/ лик себе совокупльшия/
духовно утверди в Божественней Твоей славе// венцев
славы сподоби.**

Песнь 4:

**Седяй в Славе/ на Престоле Божества/ во облаце
легце,/ прииде Иисус Пребожественный/ Нетленною
Дланию и спасе зовущия:// слава Христе, силе Твоей.**

Песнь 5:

**Ужасошася всяческая/ о Божественней славе Твоей://
Ты бо, Неискусобрачная Дево,/ имела еси во утробе над
всеми Бога/ и родила еси Безлетнаго Сына,/ всем воспеваю-
щим Тя// мир подавающая.**

Песнь 6:

**Божественное сие и всечестное/ совершающе праздне-
ство,/ Богомудрии, Богоматере,/ приидите, руками
восплещим,// от Нея рождшагося Бога славим.**

Кондак, глас 4:

Фарисеева убежим высокоглаголаня, / и мытареве научимся высотé глагол смиренных, / покаянием взывающе: / Спасе мiра, // очисти рабы Твоя.

Ин кондак, глас 3:

Воздыхания принесем мытарская Господеви, / и к Немú приступим грешнии, яко Владыце: / хóщет бо спасения всех человеков, / оставление подаёт всем кающимся, / нас бо ради воплотися, Бог сый, // Отцú Собезначальный.

Песнь 7:

Не послужиша твари Богомудрии / паче Создавшего, / но, огненное прещение мужески поправше, / радовахуся, поюще: // препетый отец Господь и Бог, благословен еси.

Песнь 8:

Отроки благочестивыя в пещи / Рождество Богородичо спасло есть; / тогда убо образуемое, / ныне же действуемое, / вселенную всю воздвизает пети Тебе: / Господа пойте, дела, // и превозносите Его во вся веки.

Таже, Честнейшую:

Песнь 9:

Всяк земнородный / да възграется, Духом просвещаемь, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная Богородице, // Чистая Приснодево.

На хвалитех стихиры воскресны Осмогласника, 4.

И Триоди самголасны 4:

Стих: Хвалите Его в тимпане и лице, / хвалите Его во струнах и органе.

Не помóлимся фарисейски, братие: Писана на вечерне.

Стих: Хвалите Его в кимвáлех доброгласных, хвалите Его в кимвáлех восклицания, / всякое дыхáние да хвалит Господа.

Фарисей тщеславием:

Глас 3:

Стих: Воскресни́ Го́споди, Бо́же мой, да вознесётся рука́ Твоя́, / не забуди́ убо́гих Твои́х до конца́.

Мытаря́ и фарисе́а разли́чие разумевши, душе́ моя́, / о́наго у́бо возненави́ждь горды́нный глас; / о́ваго же ревну́й благоуми́ленной моли́тве, и возопи́й:// Бо́же, очи́сти мя грешна́го и поми́луй мя.

Стих: Испове́мся Тебе́, Го́споди, всем се́рдцем мои́м, / пове́м вся чудеса́ Твоя́.

Фарисе́а велехва́льный глас ве́рнии возненави́девше, / мытаре́вой же благоуми́ленной моли́тве поревновáвше, / не высо́кая му́дрствуем, / но себе́ смиря́юще, со умиле́нием воззове́м:// Бо́же, очи́сти грехи́ на́ша.

Слава, глас 8:

От дел похва́леньми, / фарисе́а оправда́юща себе́ осуди́л еси́ Го́споди, / и мытаря́ смири́вшася, и въздыха́ньми очи́щения прося́ща оправда́л еси́: / не внима́еши бо велему́дренным помыслóм, / и сокруше́нная сердца́ не уничижа́еши. / Те́мже и мы Тебе́ припада́ем во смире́нии, / пострада́вшему нас ра́ди:// пода́ждь оставле́ние и ве́лию ми́лость.

И ныне: Преблагослове́нна еси́ Богоро́дице Де́во:


Славословие великое, и отпуст. И обычно лития в притворе, в нейже поем: Слава, и ныне: Стихиру утреннюю Евангельскую. И час первый.

Подобает ведати, яко стихиры вся 11 утренния Евангельския, от сея настоящия недели, и даже до всех святых, на литиях поются в притворе, на Слава, и ныне. Аще убо не служим литии в притворе, поем Евангельскую стихиру без Слава, и ныне: по отпусте утрени.

На Литургии,

блаженны Осмогласника, и от канона Троици песнь 6-я. Прокимен прилучившегося гласа. Апостол к Тимофею, зачало 296. Аллилуия гласа. Евангелие от Луки, зачало 89. Причастен: Хвалите Го́спода с небес:





**Неделя,
в нюже чтется священное и святое Евангелие
притчи о блудном сыне.**

В субботу вечера,

по предначинательном псалме, по обычном стихословии, на Гóсподи
воззвáх: поставим стихов 10, и поем стихиры Осмогласника
воскресны 3, и анатолиевы 3, и Триоди 4, повторяющие сия.

Глас 1:

Стих: От стра́жи у́тренния до но́щи, от стра́жи у́тренния,
да упова́ет Изра́иль на Го́спода.

В безгрéшную страну́ и живóтную ввéрихся, / посе́яв
грех, серпо́м пожа́в кла́сы ле́ности, / и рукоя́тием связа́в
дея́ний мои́х снопы́, / я́же и постла́х не на гумне́ пока́яния; /
но молю́ Тя превéчнаго Де́лателя на́шего Бо́га, / вéтром
Твоего́ любоблагоутро́бия развéй плéву дел мои́х, / и
пшени́цу даждь ду́ши мое́й оставле́ние, / в небе́сную Твою́
затворя́я мя жи́тницу, // и спаси́ мя.

Стих: Я́ко у Го́спода ми́лость и мно́гое у Него́ избавле́ние / и Той
изба́вит Изра́иля от всех беззакóний его́.

Паки таяжде стихира

Стих: Хвалите́ Го́спода вси язы́цы / похвалите́ Его́ вси лю́дие.

**Позна́им, бра́тие, тайнства си́лу, / от греха́ бо ко Оте́че-
скому до́му востéкшаго блу́днаго сы́на / преблагий Оте́ц
предъусре́т, лобза́ет, / и па́ки Своея́ сла́вы позна́ние
да́рует; / и та́инственное вы́шним соверша́ет весе́лие, /
закала́я тельца́ упита́ннаго, / да мы досто́йно
сожи́тельствуем, / закла́вшему же человеколю́бному Отцу́, /
и сла́вному заколе́нию, // Спа́су душ на́ших.**

Стих: Яко утвердїся мїлость Его на нас/ и истина Господня пребывает во век.

Паки таяжде стихира

Слава, глас 2:

О, коликих благ окаянный себе лишїх!/ **О,** какова Царствїя отпадѡх страстный аз!/ **Богатство** изнурїв, еже приях, заповедь преступїх./ **Увы** мне, страстная душе!/ **огню** вѣчному прочее осудишися./ **Тѣмже** прѣжде конца возопїй Христу Богу:/ **яко блуднаго** прими мя сына, **Бѡже,**// и помилуй мя.

И ныне, Богородичен 1-й гласа.

На литии стихира храма.

Слава, глас 4:

Яко блудный сын приидѡх и аз щедре,/ **житиѣ** все иждивый во отшествїи./ **Расточїх** богатство, еже дал еси мне отче;/ **прими** мя кающася **Бѡже,**// и помилуй мя.

И ныне, Богородичен:

Прїзри на молѣния Твоїх раб, **Всепорѡчная,**/ **утоляющи** люта на ны востанїя,/ **всякія** скорби нас изменяющи:/ **Тя** бо еди́ну, твѣрдое и известное утверждѣние їмамы;/ и **Твое** предстательство стяжахом,/ **да** не постыдимся, **Владычице,** **Тя** призывающи,/ **потщїся** на умоленїе, **Тебѣ** вѣрно вопиющих:/ **радуйся,** **Владычице,**/ **всех** по́моще, **радосте** и **покрѡве,**// и спасѣние душ наших.

На стиховне Осмогласника.

Слава, глас 6:

Отческаго дара расточїв богатство,/ **с** безсловесными скоты пасѡхся окаянный,/ **и** тех желая пищи,/ **гладом** таях не насыщаяся,/ **но** возвратївсѧ к благоутробному Отцу,/ **взываю** со слезами:/ **прими** мя **яко** наемника/ **припадающа** человеколюбію Твоему,// и спасї мя.

И ныне, Богородичен:

Творец и **Избавитель** мой, **Пречїстая,**/ **Христос** Господь из Твоих ложесн прошѣд,/ **в** мя оболкїйся,/ **пѣрвыя** клятвы Адама свободї./ **Тѣмже** Ти, **Всечїстая,**/ **яко** **Бѡжии** **Матери** же и **Дѣве,**/ **воистинну** вопиѣм немѡлно:/ **радуйся,** **ангельски,** **радуйся** **Владычице,**/ **предстательство** и **покрѡве,**// и спасѣние душ наших.

По ныне отпускаеши:
тропарь Богородице Дѣво: трижды.

На утрени,

на Бог Господь, тропарь воскресен дважды.

Слава, и ныне, Богородичен его.

По кафисмах седальны Осмогласника.

Таже полиелей, обычныя два псалма: припеваем же к сим и третий псалом,
На реках вавилонских: с аллилуйею красною: Степенны и прокимен гласа.

Всякое дыханіе. Евангелие утреннее. Таже, Слава, глас 8:

Покаянія отвѣрзи ми двѣри: и прочее, писано в неделю мимошедшую.

Канон воскресный, со ирмосом на 4, и крестовоскресный на 2,
и Богородицы на 2, и Триоди на 6.

Катавасія Триоди, глас 2:

Песнь 1:

Моисѣйскую песнь воспріймши, возопій, душѣ:/
Помощник и Покровитель бысть мне во спасеніе,/ сей мой
Бог,/ и прославлю Его.

Песнь 3:

Неплодствовавший мой ум/ плодоносен, Божѣ, покажи
ми,/ Дѣлателью добрых, Насадителю благих,/ благоутробо-
бием Твоим.

Седален, глас 1.

Подобен: Гроб Твой:

Объятія Отча отвѣрсти ми потщися,/ блудно иждих мое
житіе,/ на богатство нежданное взирая щедрот Твоих,
Спасе,/ ныне обнищавшее мое сердце не презри./ Тебѣ бо,
Господи, во умилении зову:// согреших, Отче, на небо и
пред Тобою.

Слава, тойже. И ныне, Богородичен:

Безневѣстная Чистая Богородице Дѣво,/ едина верных
предстательнице и покрове,/ бед и скорбей, и лютых
обстояній, всех свободи,/ на Тя надежды Отроковице
имущих,// и души наша спаси Божественными молитвами
Твоими.

Песнь 4:

Еже от Дѣвы Твое рождество пророк предзря,/
возпроповѣдаше, вопія:/ слух Твой услышах и убояхся,/ яко
от юга и из горы святыя приосененныя/ пришел еси Христе.

Песнь 5:

Но́щи прешéдшей, прибли́жися де́нь,/ и Свет ми́ру возсия́,/ сего́ ра́ди хва́лят Тя Ангельстии чи́ни/ и славосло́вят Тя вся́ческая.

Песнь 6:

Во глубинé грехо́вней содержи́мь есмь, Спа́се,/ и в пучи́не житей́стей обурева́емь,/ но, я́коже Ио́ну от зве́ря,/ и мене́ от страсте́й возведи́ и спаси́ мя.

Кондак, глас 3:

Оте́ческие сла́вы Твоея́ удали́хся безу́мно,/ в злых расточи́в, е́же ми пре́дал еси́ бога́тство./ Те́мже Ти блу́днаго глас приношу́:/ согреш́их пред Тобо́ю, Отче ще́дрый,/ прими́ мя ка́ющася, // и сотвори́ мя я́ко еди́наго от наёмник Твои́х.

Песнь 7:

Херув́имы подража́юще, о́троцы/ в пеци́ ликовствова́ху, вопи́юще:/ благослове́н еси́, Бо́же,/ я́ко и́стиною и судом навёл еси́ сия́ вся грех ра́ди на́ших,/ препе́тый и препросла́вленный во вся ве́ки.

Песнь 8:

В купинé Моисе́ю Де́вы чу́до/ на Сина́йстей горé Прообра́зившаго иногда́,/ по́йте, благослови́те/ и превозноси́те во вся ве́ки.

Таже, Честнейшую:

Песнь 9:

От земноро́дных кто слы́ша таково́е/ или́ кто ви́де когда́,/ я́ко Де́ва обрете́ся, во чре́ве иму́щая/ и безболе́зненно Младенца́ поро́ждшая?/ Таково́е Твое́ чу́до, и Тя, Чи́стая Богоро́дице, велича́ем.

Ексапостиларий Осмогласника. Таже Триоди.

На хвалитех стихиры Осмогласника воскресны, 4, и анатолиев 1, и Триоди, самогласны, 3.

Глас 2:

Стих: Хвали́те Его́ в кимвáleх доброгласных, хвали́те Его́ в кимвáleх восклицáния,/ вся́кое дыха́ние да хва́лит Го́спода.

Блу́днаго глас приноша́ю Ти, Го́споди:/ согреш́их пред очима́ Твоима́, Благи́й,/ расточи́х бога́тство Твои́х дарова́ний. // Но прими́ мя ка́ющася, Спа́се, и спаси́ мя.

Глас 4:

Стих: Воскресни́, Го́споди Бо́же мой, да вознесётся рука́ Твоя́,/
не забуди́ убо́гих Твои́х до конца́.

**Яко блудный сын приидо́х и аз, Ще́дре, / жити́е все
ижди́вый во отше́ствии; / расточи́х бога́тство, е́же дал ми
еси́, Отче:// приими́ мя ка́ющася, Бо́же, и поми́луй мя.**

Глас 8:

Стих: Испове́мся Тебе́, Го́споди, всем се́рдцем мо́им, / пове́м вся
чудеса́ Твоя́.

**Ижди́х блудно отече́скаго имени́ бога́тство, / и расточи́в,
пуст бых, / в страну́ всели́вся лука́вых гра́ждан, / и ктому́
не терпя́ с ни́ми сожи́тельства, / обра́щся вопию́ Ти,
ще́дрому Отцу́: / согреши́х на не́бо и пред Тобо́ю, / и несмы́
досто́ин наре́щися сын Твой; / сотвори́ мя я́ко еди́наго
от наёмник Твои́х, // Бо́же, и поми́луй мя.**

Слава, глас 6:

**Отче Благои́й, удали́хся от Тебе́, не оста́ви мене́, / ниже́
непотре́бна покажи́ Ца́рствия Твоего́: / враг вселука́вый об-
нажи́ мя и взят моё бога́тство, / душе́вная дарова́ния блудно
расточи́х. / Воста́в у́бо обра́щся к Тебе́, вопию́: / сотвори́
мя, я́ко еди́наго от наёмник Твои́х; / мене́ ра́ди на кресте́
пречи́стии Твои́ ру́це простры́й, / да люта́го зве́ря исхити́ши
мя, / и в пе́рвую оде́жду облече́ши мя, // я́ко еди́н
Многоми́лостив.**

И ныне: Преблагослове́нна еси́ Богоро́дице Де́во:


Славословие великое. Ектении и отпуст.

Стихира Евангельская, и час первый.

На Литургии,

**блаженны Осмогласника, на 6, и от канона Троицы песнь 6-я, на 4. Прокимен
прилучившегося гласа. Апостол к коринфянам, зачало 135. Аллилуия гласа.
Евангелие от Луки, зачало 79. Причастен: Хвалите Го́спода с не́бес:**





Неделя мясопустная

В субботу вечера,

по предначинательном псалме, по обычном стихословии, на Гóсподи
воззвáх: поставим стихов 10, и поем стихиры Осмогласника
воскресны 3, и анатолиевы 3, и Триоди подобны 4.

Глас 6. Подобен: Всю́ отложивше:

Стих: От стра́жи у́тренняя до но́щи, от стра́жи у́тренняя,/
да упова́ет Изра́иль на Гóспода.

**Егда́ хо́щеша приити́, / суд пра́ведный сотвори́ти, /
Суди́е Пра́веднейший, / на престóле сла́вы Твоея́ седя́й, /
река́ о́гненная пред Твое́ суди́лице ужаса́ющая влечёт всех, /
предстоя́щим Тебе́ небéсным си́лам, / челове́ком же суди́-
мым стра́хом, / я́коже ко́ждо соде́ла; / тогда́ нас пощади́, /
и ча́сти, Христé, сподо́би спаса́емых, // я́ко благоутро́бен,
ве́рою мо́лим Тя.**

Стих: Я́ко у Гóспода ми́лость и мно́гое у Него́ избавле́ние / и Той
изба́вит Изра́иля от всех беззакóний его́.

**Кни́ги разгнóутся, / явле́на бу́дут дея́ния челове́ков / пред
нестерпи́мым суди́лицем: / возшуми́т же юдо́ль вся стра́ш-
ным скрежетáнием пла́ча, / вся ви́дящи согрешив́шия, /
вечну́ющим му́кам, / судом пра́ведным Твои́м отпу́ща́емыя, /
и безде́льно пла́чущия, Ще́дре. / Те́мже Тя мо́лим, Бла́же: /
пощади́ нас, пою́щих Тя, // еди́не Многоми́лостиве.**

Стих: Хвали́те Гóспода вси язы́цы / похвали́те Его́ вси лю́дие.

**Возглася́т трубы́, и исто́щатся грóбы, / и воскрэ́снет челове́-
ческое все естество́ трепещу́щее, / до́брая соде́явшии, в
ра́дости ра́дуются, / ча́юще мзду восприя́ти; / согрешив́шии же
трепещу́т, / лю́те рыда́юще, в му́ку посыла́еми, / и от избра́нных
разлуча́еми. / Гóсподи сла́вы, / ущэ́дри нас, я́ко Благо́й, // и
ча́сти сподо́би возлюбив́ших Тя.**

Стих: Яко утвердися мѣлость Его на нас / и истина Господня пребывает во век.

Плачу и рыдаю, / егда в чувство приму́ огонь вѣчный, / тьму кромешную, и тартар, / лю́тый червь, скрежет же паки зу́бный и непреста́нный, / бо́лезнь имущу́ быти без мѣры согрѣшившим, / и Тебѣ Преблага́го нра́вом лука́вым прогна́вавшим, / от нихже еди́н и пе́рвый есмь аз окая́нный; / но, Судие́, мѣлостью Твоею́ спаси́ мя, // яко Благоутро́бен.

Слава, глас 8:

Егда́ поста́вятся престо́ли и отвѣ́рзутся кни́ги, / и Бог на суде́ сядет, / о, кий стра́х тогда́, а́нгелом предстоя́щим в стра́се / и реце́ о́гненной влеку́щей! / Что сотвори́м тогда́, / во мно́гих гресѣ́х повѣ́ннии челове́цы? / Егда́ же услы́шим зову́ща Его́, / благослове́нныя Отца́ в Ца́рство, / грѣшныя же отсыла́юща в му́ку; / кто потерпи́т стра́шнаго она́го изрече́ния? / Но, еди́не Человеколю́бче Спа́се, Царю́ веко́в, / пре́жде да́же кончи́на не приспе́ет, // пока́нием обрати́в, поми́луй мя.

На литии стихира храма.

Слава, самогласен, глас 7:

Господни́ разуме́вше за́поведи, та́ко поживе́м: / а́лчущия напита́им, жа́ждущия напо́им, / наги́я облече́м, страна́ныя введе́м, / боля́щия и в темни́це су́щия посети́м; / да рече́т и к нам хотя́й суди́ти все́й земли́: / прииди́те благослове́ннии Отца́ Моего́, // насле́дуйте угото́ванное вам Ца́рствие.

И ныне, Богородичен:

Под кров Твой, Влады́чице, / вси земноро́днии прибега́юще вопие́м Ти: / Богоро́дице, упова́ние на́ше, / изба́ви ны от безме́рных прегреше́ний, // и спаси́ ду́ши на́ша.

На стиховне стихиры Осмогласника по алфавиту.

Слава, глас 8:

Увы́ мне, мра́чная душе́, / доко́ле от злы́х не отрѣва́еши-ся? / доко́ле уны́нием слези́ши? / что не помышля́еши о стра́шном часѣ́ сме́рти? / что не трепеще́ши вся стра́шнаго суди́ща Спа́сова? / убо́ что отве́щаеши? / или́ что отрече́ши? /

Дела́ твоѧ предстоѧт на обличѣние твоѧ, / деѧнія обличаѧют клеветѣща. / Проче́е, о душе́, вре́мя настѧ; / тецѧ, предвари́, ве́рою возопѧй: / согрѣших, Господи, согрѣших Ти: / но вем, Человеколю́бче, благоутро́бие Твоѧ, / Па́стырю до́брый, / да не разлучи́ши мене́ одесну́ю Тебе́ предстоѧния, // вели́кия ра́ди ми́лости Твоеѧ.

И ныне, Богородичен:

Безневѣстная Дѣво, / яже Бо́га неизрече́нно заче́нши плóтию, / Ма́ти Бо́га Вы́шняго, / Твоѧх рабо́в мольбы́ приими́, Всенепоро́чная, / всем подаѧющи очище́ние прегрѣше́ний, / ны́не на́ша молѣния приѣмлющи, // моли́ спасти́ся всем нам.

По ны́не отпу́щаеши:

тропарь Богоро́дице Дѣво: трижды.

На утрени,

на Бог Господь: тропарь воскресен дважды. Слава, и ныне, Богородичен его.

По кафисмах седальны Осмогласника.

Таже полиелей, обычные два псалма: припеваем же к сим и третий псалом,

На река́х Вавило́нских: И абие, Ангельский собор:

Степенны и прокимен гласа. Всякое дыха́ние:

Евангелие утреннее. Воскресе́ние Христо́во:

Таже, Слава, глас 8: Покая́ния отвѣрзи ми двѣри: и прочее.

Канон Октоиха воскресен, со ирмосом на 4, и Богородицы на 6, и Триоди на 8.

Катавасия Триоди, глас 6:

Песнь 1:

Помощник и Покровитель / бысть мне во спасѣние, / Сей мой Бог, / и просла́влю Его́, Бог отца́ моего́, / и вознесу́ Его́, // сла́вно бо просла́вился.

Песнь 3:

Утверди́, Го́споди, / на ка́мени за́поведей Твоѧх / подви́гшееся се́рдце мое́, // я́ко Еди́н Свят еси́ и Го́сподь.

Седален, глас 6:

Помышля́ю день стра́шный, / и пла́чуся деѧний моѧх лука́вых; / ка́ко отвѣща́ю Безсме́ртному Царю́? / ко́им же дерзнове́нием смотрю́ на Судию́ блудный аз? / Благоутро́бный Отче, / Сы́не Единоро́дный, // Ду́ше Святы́й, поми́луй мя.

Слава:

Во юдо́ли пла́ча, / в ме́сте е́же положи́л еси́, / егда́ съдеши
Ми́лостиве, / сотвори́ти пра́ведный су́д, / не объяви́ моя́
та́йная, / ниже́ посрами́ мене́ пред а́нгелы, // но пощади́ мя
Бо́же и поми́луй мя.

И ныне:

Упова́ние ми́ра благáя Богоро́дице Де́во, / Твое́ и еди́ное
стра́шное предста́тельство молю́: / умилосе́рдися на удобо-
обстоя́тельныя лю́ди, / умоли́ ми́лостиваго Бо́га, / изба́витися
душáм на́шим от вся́кого преще́ния, // еди́на Благослове́нная.

Песнь 4:

Услы́ша проро́к / прише́ствие Твое́, Го́споди, и убо́йся, / я́ко
хо́щещи от Де́вы родитися / и челове́ком явитися, и глаго́лаше: /
услы́шах слух Твой и убо́яхся; // сла́ва си́ле Твое́й, Го́споди.

Песнь 5:

От но́щи у́треннююща, Человеколю́бче, / просвети́, молю́-
ся, / и наста́ви и мене́ на повеле́ния Твоя́, // и научи́ мя, Спа́се,
твори́ти во́лю Твою́.

Песнь 6:

Возопи́х всем се́рдцем моим / к ще́дрому Бо́гу, / и услы́ша
мя от а́да преиспо́дняго, // и возведе́ от тли живо́т мой.

Кондак, глас 1:

Егда́ приидеши. Бо́же, на зе́млю со сла́вою, / и трепещут
вся́ческая; / река́ же о́гненная пред суди́щем влечёт, / кни́ги
разгиба́ются, и та́йная явля́ются: / тогда́ изба́ви мя от огня́
неугаси́мага, // и сподо́би мя одесну́ю Тебе́ ста́ти, Судие́
Пра́веднейший.

Песнь 7:

Согреши́хом, беззакóнновахом, / неправдовахом пред
Тобо́ю, / ниже́ соблюдо́хом, ниже́ сотвори́хом, / я́коже запове́-
дал еси́ нам, / но не преда́ждь нас до конца́, // отце́в Бо́же.

Песнь 8:

Его́же вои́нства Небе́сная сла́вят, / и трепещут Херувими́
и Серафи́ми, / вся́ко дыха́ние и тварь, / по́йте, благослови́те //
и превозноси́те во вся ве́ки.

Песнь 9:

Безсе́меннаго зача́тия рождество́ несказáнное, / Мáтере безмужныя Нетлѣнен Плод, / Бóжие бо рождѣние обновляет естества. / Тѣмже Тя, вси рóди, / я́ко Богоневѣстную Мáтерь, // правосла́вно велича́ем.

Таже: Свят Господь Бог:

Ексапостиларий воскресный. И Триоди, писан наряду.

На хвалитех стихиры Октоиха, 5.

И Триоди, глас 6:

Стих: Хвалите Егó в кимвáлех доброгласных, хвалите Егó в кимвáлех восклицáния, / всякое дыхáние да хвалит Гóспода.

Помышляю́ день óный и час, / егда́ има́мы вси на́зи и я́ко осуждѣни, / неумы́тному Судий предстáти, / тогда́ труба́ возшумит вельми́, / и основáния земли́ подви́жатся, / и мѣртвии от гробóв воскреснут, / и вóзрастом еди́нем вси б́удут, / и всѣх та́йная явлѣнна предстанут пред Тобóю / и возрыда́ют, и восплачутся, / и во огонь кромѣшный оты́дут, / и́же никогда́же пока́яшася; / и в ра́дость и весѣлие, // пра́ведных жрѣбий вни́дет в черто́г небѣсный.

Стих: Испове́мся Тебе́, Гóсподи, всем сѣрдцем мо́им, / пове́м вся чудеса́ Твоя́.

О, каковы́й час тогда́, и день стра́шный, / егда́ сядет Судия́ на престóле стра́шном! / кнѣги разгиба́ются, и дея́ния облича́ются, / и та́йная тьмы явлѣна бывáют, / а́нгели обтека́ют, собира́юще вся язы́ки. / Приидите́, услы́шите, ца́рие и кня́зи, / раби́ и свободни, / грѣшницы и пра́ведницы, богáтии и ни́щии; / я́ко грядѣт Судия́, хотя́й судити всей вселѣнней. / И кто претерпи́т пред Лице́м Егó, / егда́ а́нгели предстанут, / облича́юще дея́ния, помышлѣния, и мы́сли / я́же в но́щи и во дни? / О, каковы́й час тогда́! / Но прѣжде да́же не приспѣет кончи́на, / потщи́ся зову́щи, душе́: / Бóже, обрати́в, спаси́ мя, // я́ко един Благоутрóбен.

Глас 8:

Стих: Возвеселюся и возрадуюся о Тебѣ,/ пою Имени Твоему,
Вышний.

**Даниил пророк, муж желаний быв,/ властительное
Божие видев, сице вопиаше:/ Судия седе, и книги
разгнушася./ Блюди, душе моя, постиши ли ся?/ ближняго
Твоего не презри./ От брашен воздержиши ли ся?/ брата
Твоего не осуждай;/ да не во огонь отсылаема сгориши яко
воск, // но да без потковения введет тя Христос в Царствие
Свое.**

Глас 1:

Стих: Воскресни, Господи Боже мой, да вознесется рука Твоя,
не забуди убогих Твоих до конца.

**Предочистим себе, братие, царицею добродетелей:/ се
бо прииде, богатство нам благих подающи:/ страстей утоляет
дмения,/ и Владыце примиряет прегрешившия./ Темже
с веселием сию приимем, вопиюще Христу Богу:/ воскресый
из мертвых, неосуждены нас сохрани, // славословящая Тя
единого Безгрешного.**

Слава: паки таяжде стихира.

И ныне: Преблагословенна еси: Славословие великое и отпуст.

**На первом часе стихира евангельская. На часех Слава: тропарь воскресен,
И ныне: Богородичен. По Трисвятом кондак Триоди.**

На Литургии,


блаженна Осмогласника, на 6, и от канона Триоди песнь 6-я, на 4.

**Прокимен, глас 3: Велий Господь наш и велия крепость Его,/ и
разума Его несть числа. Стих: Хвалите Господа, яко благ псалом, Богу
нашему да усладится хваление. Апостол к коринфянам, зачало 140.**

**Аллилуия, глас 8: Приидите возрадуемся Господеви, воскликнем Богу
Спасителю нашему. Стих: Предварим лице Его во исповедании, и во псалмех
воскликнем Ему.**

**Евангелие от Матфея, зачало 106. Причастен: Хвалите Господа с небес:
Другий: Радуйтесь праведнии о Господе:**





В неделю сыропустную, изгнание Адамово.

Бдение обычное.

В субботу вечера,

**по предначинательном псалме, стихословим: Блажен муж: кафисму всю.
На Господи возвах: поставим стихов 10. И поем Осмогласника на 6,
сиесть воскресны 3 и Анатолиевы 3.**

Таже и Триоди 4 стихиры глас 6:

Подобен: Всю отложивше:

**Стих: От стражи утренния до нощи, от стражи утренния,
да уповает Израиль на Господа.**

**Создатель мой Господь, / персть от земли прием мя, /
живоносным дуновением вдушив оживи, / и почте на земли
начальствующа видимыми всеми, / и ангелом купножителя. /
Сатана же льстивый, сосуд змия употребив, / снедию прельсти,
и Божия славы разлучи, / и преисподнейшей смерти предаде
в землю: // но яко Владыка и Благоутробен, паки воззови.**

**Стих: Яко у Господа милость и многое у Него избавление /
и Той избавит Израиля от всех беззаконий его.**

**Одежды Боготканная совлекохся окаянный, / Твое Божественное
повеление преслушав, Господи, / советом врага,
и смоковным листвием, / и кожными ризами ныне облекохся; /
потом бо осужден бых хлеб трудный снести; / терние же и
волчец мне принести, / земля проклята бысть. / Но в последняя
лета Воплотивыйся от Девы, // воззвав мя введи паки в рай.**

Стих: Хвалите Господа вси языцы / похвалите Его вси людие.

**Раю всечестный, краснейшая доброто, / Богозданное
селение, / веселие некончаемое и наслаждение, / славо праведных,
пророков красото, / и святых жилище, / шумом листвий
Твоих Содетеля всех моли, / врата отверсти ми, яже преступлением
затвори, / и сподобитися древа животнаго прияти, //
и радости, еяже прежде в Тебе насладихся.**

Стих: Яко утвердися мѣлость Его на нас / и истина Господня пребывает во век.

Адам изгнан бысть из рай преслушанием, / и сладости извержен, / женскими глаголы прельщенный, / и наг седит, селá, увы мне, прямо рыдая. / Темже потщимся вси время подъяти поста, / послушающе Евангельских преданий; / да сими благоугодни бывше Христу, // рай жилище паки восприимем.

Слава, глас 6:

Седе Адам прямо рай, / и свою наготу рыдая плакаше: / увы мне, / прелестию лукавою увещанну бывшу / и окрадену и славы удалену, / увы мне, / простотою нагу, / ныне же недоуменну! / Но, о раю, / ктому твоея сладости не насладуся; / ктому не узрю Господа и Бога моего и Создателя: / в землю бо пойду, / от неяже и взят бых, / Милостиве Щедрый, вопию Ти: // помилуй мя падшаго.

И ныне, догматик гласа. Свете тихий: Вход.

На литии стихира храма.

Слава, глас 6:

Солнце лучи скры, / луна со звездами в кровь преложися, / горы ужасошася, холми вострепеташа, / егда рай заключися. / Исходя Адам руками бия в лице, глаголаше: // Милостиве, помилуй мя падшаго.

И ныне, Богородичен:

Таинственно воспеваем Тя Богородице Марие, / явилася еси престол Великаго Царя, / сень всесвятая, небес ширшая, / херувимская колесница, / вышшая же серафимов, чертог славы; / из Тебе бо пройде воплотивыйся всех Бог. // Того моли спастися душам нашим.

На стиховне, Осмогласника.

Слава, глас 6:

Изгнан бысть Адам из рай снѣдию, / темже и сядя прямо сего рыдаше, / стенья умиленным гласом, и глаголаше: / увы мне, что пострадах окаянный аз: / едину заповедь преступих Владычню, / и благих всяческих лишихся! /

Раю́ святѣ́йший, / менé ра́ди насаждéнный быв, / и Евы ра́ди затворéнный, / моли́ тебé Сотворшаго, и менé Создávшаго, / я́ко да Твои́х цвето́в исполню́ся. / Тёмже и к нему́ Спас: / Моему́ создáнию не хо́щю погíбнути, / но хо́щю сему́ спаст́ся, / и в познáние и́стины приит́и, // я́ко грядúщаго ко Мне не изгоняю вон.

И ныне, Богородичен:

Творéц и Избáвитель мой, Пречи́стая, / Христóс Господь из Твои́х ложесн прошéd, / в мя оболкíйся, / пёрвыя клáтвы Ада́ма свободí. / Тёмже Ти, Всечи́стая, / я́ко Бóжии Мáтери же и Дéве, / войстинну вопиём немóлчно: / ра́дуйся, а́нгельски, ра́дуйся Влады́чице, / предста́тельство и покрóве, // и спасéние душ на́ших.

Ны́не отпу́щаеши: По Трисвятом тропарь Богорóдице Дéво: трижды.

На утрени,

на Бог Господь: тропарь воскресен дважды.

Слава, и ныне, Богородичен.

И полиелей, припеваем же и третий псалом, На река́х Вавилóнских: якоже указася в неделю о блудном сыне. И абие, Ангельский собóр:

Степенны и прокимен гласа. Всякое дыха́ние:

Евангелие утреннее. Воскресéние Христóво: и псалом 50.

Слава, глас 8: Покая́ния отvéрзи ми двéри: и прочее.

Каноны Октоиха: Воскресен, со ирмосом на 4, Крестовоскресен на 2 и Богородицы на 4, и Триоди на 6.

Катавасия Триоди, глас 6:

Песнь 1:

Я́ко по сýху пешешéствовав Изра́иль, / по бéздне стопа́ми, / гонíтеля фараóна / ви́дя потопля́ема, // Бóгу побéдную песнь по́йм, вопия́ше.

Песнь 3:

Несть Свят, / я́коже Ты, Го́споди Бóже мой, / вознесы́й рог вёрных Твои́х, Бла́же, / и утверди́вый нас на ка́мени // исповéдания Твоего́.

Песнь 4.

Христос моя сила,/ **Бог** и **Господь**,/ **честная Церковь**/
Боголепно поёт **взываючи**,// **от смысла чиста** о **Господе**
празднуючи.

Песнь 5:

Божим светом **Твоим**, **Блаже**,/ **утренюющих** **Ти** души
любовию озари, **молюся**,/ **Тя** **ведети**, **Слове** **Божий**,/
Истиннаго **Бога**,// **от мрака** **греховнаго** **взывающа**.

Песнь 6:

Житейское море/ **воздвизаемое** зря **напастей** **бурею**,/
к тихому пристанищу **Твоему** **притек** **вопию** **Ти**:/ **возведи**
от тли **живот** **мой**,// **Многомилостиве**.

Кондак, глас 6:

Премудрости **Наставниче**, **смысла** **Подателю**,/ **немудрых**
Наказателю, и **нищих** **Защитителю**,/ **утверди**, **вразуми** **сердце**
мое, **Владыко**!/ **Ты** **даждь** **ми** **слово**, **Отчее** **Слово**,/ **се** **бо**
устне **мой** **не** **возбраню**,/ **во** **еже** **звати** **Тебе**:// **Милостиве**,
помилуй **мя** **падшаго**.

Конец кондака припеваем и к икосу, четырежды.

Песнь 7:

Росодательну **убо** **пещь**/ **содела** **Ангел**/ **преподобным**
отроком,/ **халдеи** **же** **опаляющее**/ **веление** **Божие**,/
мучителя **увеща** **вопити**:// **благословен** **еси** **Боже** **отец** **наших**.

Песнь 8:

Из **пламене** **преподобным** **росу** **источил** **еси**,/ и **праведнаго**
жертву **водою** **попалил** **еси**;/ **вся** **бо** **твориши**, **Христэ**, **только**
еже **хотети**,// **Тя** **превозносим** **во** **вся** **веки**.

Таже: Честнейшую:

Песнь 9:

Бога/ **человеком** **невозможно** **видети**,/ **на** **Негоже** **не**
смеют **чини** **Ангельстии** **взирати**;/ **Тобою** **же**, **Всечистая**,
явися **человеком**/ **Слово** **воплощено**,/ **Егоже** **величающе**,//
с **небесными** **вои** **Тя** **ублажаем**.

Таже: Свят Господь Бог:

Ексапостиларий воскресный. Слава: Троици, писан наряду И ныне: тамже.

На хвалитех стихиры Октоиха, 5.

И Триоди сия, самогласны, глас 5:

Стих: Хвалите Его в кимвалех dobroгласных, хвалите Его в кимвалех восклицания, / всякое дыханіе да хвалит Господа.

Увы мне, Адам рыданием возопи, / яко змий и жена Божественнаго дерзновения изринуша мя; / и райския сладости дрѣва снѣдь отчужди. / Увы мне, не терплю прочее поношения; / иногда царь сый земныхъ всехъ созданий Божиихъ, / ныне пленникъ явихся от единаго беззаконнаго совета; / и иногда славою безсмертія облечен сый, / умерщвления кожу, яко смертный окаивно обношу. / Увы мне, кого рыданий содейственника сотворю? / Но Ты, Человеколюбче, от земли Создавый мя, / во благоутробіе оболкийся, // работы вражия свободи, и спаси мя.

Стих: Исповѣмся Тебѣ, Господи, всемъ сердцемъ моимъ, / повѣмъ вся чудеса Твоя.

Поприще добродетелей отверзся, / хотящии страдальчествовати видите, / препоясавшися добрымъ поста подвигомъ: / законно бо страдальчествуящии, / праведно венчаются. / И восприимше всеоружіе креста, / врагу сопротивимся, / яко стѣну нерушимую имуще веру, / и яко щитъ молитву, и шлемъ милостыню, / вмѣсто меча постъ, иже отсекаетъ отъ сердца всю злобу. // Творяй сия, истинный прииметъ венецъ отъ Всецаря Христа в день судный.

Глас 6:

Стих: Возвеселюся и возрадоуюся о Тебѣ, / пою Имени Твоему, Вышній.

Адам изъ рая отгонится, / пищи причастився, яко преслѣшникъ; / Моисей Боговидецъ бысть, / постомъ очи душевныя очисти. / Темже рая жители быти возжелѣвше, / изменимся отъ неполезныхъ пищи, / и Бога зрѣти желаяще, / Моисейскую четверицу десятицъ постимся, / молитвою и молѣниемъ чисто терпяще; / утолимъ душевныя страсти, / отженемъ плотскія сласти, / легцы к горнему шествію преидемъ, / идеже ангельстии лица немолчными гласы Нераздельную воспеваютъ Троицу, / зрѣти недоумѣнную доброту и Владычню. / Тамъ сподоби насъ, Сыне Божій Жизнодавче / на Тя надеющихся, / ликовати со ангельскими воинствы, / рождшия Тя Матере, Христе, молитвами, // и апостолъ, и мученикъ, и преподобныхъ.

Стих: Воскресни́, Го́споди Бо́же мой, да вознесётся рука́ Твоя́, / не забуди убо́гих Твои́х до конца́.

Приспé время, духо́вных подвиго́в нача́ло, / на де́моны побе́да, / всеору́жное воздержáние, / а́нгельское благоле́пие, / к Бо́гу дерзнове́ние: / тем бо Моисе́й бысть Жиждíteлю собесéдник, / и глас невидимо в слúхи при́ят. / Го́споди, тем сподóби и нас поклонíteся Твои́м страстéм, / и свято́му воскресéнию, // я́ко Человеколю́бец.

Слава, тойже. И ныне: Прeблагословéнна еси́: Славословие великое и отпуст.

На первом часе стихира евангельская. На часех Слава: тропарь воскресен, И ныне: Богородичен. По Трисвятом кондак Триоди.

На Литургии,

блаженна гласа, на 6, и от канона Триоди песнь 6-я, на 4. Прокимен, глас 8: Помолíteся и воздадите Го́сподеви Бо́гу на́шему. Стих: Вéдом во Иудéи Бог, во Изра́или вéлие Имя Егó. Апостол к римляном, зачало 112. Аллилу́ия, глас 6: Блáго есть исповéдатися Го́сподеви, и пéти Имени Твоeму́ Вы́шний. Евангелие от Матфея, зачало 17. Киноник: Хвалíte Го́спода с нéбес:



В туюжде неделю сырную вечера,

стихословим предначинательный псалом, посем мирная ектения.

Стихословия не бывает.

На Го́споди воззва́х: поставим стихов 10. И поем 4 стихиры покаянны от Осмогласника на ряду гласа, яже суть писаны две на стиховне вечерни и две на утренней стиховне в понедельник [Такожде и в прочия недели, даже до пятыя недели Святыя Четырeдeсятницы].

И Триоди 3 стихиры, глас 2.

Подобен: Егда́ от дрéва:

Стих: Аще беззакóния на́зриши, Го́споди, Го́споди, кто посто́ит? / я́ко у Тебé очищéние есть.

Воздержáнием тéло сми́рити вси потщímся, / божéственное преходя́ по́прище непорóчного поста́ / и молítвами и слезáми / Го́спода спаса́ющаго нас взы́щем, / и забвéние злóбы всеконéчное сотворím, вопи́юще: / согрeши́хом Ти, спаси́, / я́коже дрéвле ниневítяны, Христé Царю́, / и óбщники ны сотвори́ Небéсного Цáрствия, // Благоутрóбне.

Стих: Имене ра́ди Твоего́ потерпѣх Тя Го́споди, потерпѣ душа́ моя́ в сло́во Твое, / упова́ душа́ моя́ на Го́спода.

Себе́ отчаява́ю, помышля́я дела́ моя́, Го́споди, / вся́каго муче́ния досто́йная; / се бо презре́в честны́я Твоя́, Спа́се, за́поведи, / блу́дно мое́ жити́е иждѣх. / Те́мже молю́ся, / ту́чами мя пока́яния очѣстив, / постомъ и моле́нием, я́ко Еди́н Ми́лостивый, просвети́, / и не гнуша́йся мене́ // Благоде́телю все́х, и Преблагѣ́й.

Стих: От стра́жи у́тренняя до но́щи, от стра́жи у́тренняя, / да упова́ет Изра́иль на Го́спода.

По́стное вре́мя све́тло начне́м, / к подвиго́м духо́вным себе́ подложѣ́вше, / очѣстим ду́шу, очѣстим пло́ть, / постѣ́мся я́коже в сне́дех от вся́кия стра́сти, / добродѣ́тельми наслажда́ющесе́ ду́ха: / в ни́хже соверша́ющесе́ любо́вию, / да сподо́бимся вси ви́дети всечестну́ю страсть Христа́ Бо́га, / и Святу́ю Па́сху, // духо́вно ра́дующесе́.

И Минеи стихиры рядовому святому, 3. Аще имать святыи, Слава: стихиру самогласну. Аще ли несть, Слава, и ныне: Богородичен во глас Минеи, от меньших. Вход с кадильницею. Све́те ти́хий:

Прокимен великий, глас 8:

Не отврати́ лица́ Твоего́ от о́трока Твоего́, я́ко скорблю́, ско́ро услы́ши мя. / Вонми́ души́ мое́й, и изба́ви ю.

Стих: Спасе́ние Твое́ Бо́же, да при́имет мя.

Стих: Да у́зрят ни́щии, и возвеселя́тся.

Стих: Взыщѣ́те Бо́га, и жива́ бу́дет душа́ ва́ша.

И паки высочайшим гласом: Не отврати́ лица́ Твоего́:

Таже, Сподоби́ Го́споди: и ектенія просительная.

На стиховне стихиры самогласны

Глас 4:

Возсия́ благода́ть Твоя́ Го́споди, / возсия́ просвеще́ние душ на́ших. / Се вре́мя благоприя́тное, се вре́мя пока́яния, / отложѣ́м дела́ тьмы́, / и облече́мся во ору́жие све́та; / я́ко да преплы́вше поста́ вели́кую пучи́ну, / в тридне́вное воскресе́ние дости́гнем, / Го́спода и Спа́са на́шего Иису́са Христа́, // спаса́ющаго ду́ши на́ша.

Стих: **К** Тебѣ воздвигох очи мой, живущему на небесѣ. Се яко очи раб в руку господий своих, яко очи рабыни в руку госпожи своея; тако очи наши ко Господу Богу нашему, / дондеже ущедрит ны.

Паки таже стихира.

Стих: Помилуй нас, Господи, помилуй нас, яко по многу исполнихомся уничижения; наипаче наполнися душа наша поношения гобзующих / и уничижения гордых.

Мученичен:

Прославляемый в памяти святых Твоих, Христе Боже, / от них умоляемь, // низпосли нам велию милость.

Слава: святаго Минеи, аще есть. И ныне: Богородичен, по гласу Минеи. Аще же ни, Слава, и ныне: Богородичен, глас тойже:

Ангельстии чини Тя Богомати прославляют: / Бога бо Всечистая родила еси, / Отцу и Духа соприсносущна, / и ангельская воинства от не сущаго хотением поставивша. / Егоже моли от тли спасти / и просветити души православных, // Тя воспевающих, Всечистая.

Ныне отпускаеши: Трисвятое: По Отче наш: Тропари, глас 4:

Богородице Дево, радуйся, Благодатная Марие, Господь с Тобою: / благословенна Ты в женах, и благословен Плод чрева Твоего, // яко Спаса родила еси душ наших.

И творим поклон един.

Слава: Крестителю Христов, всех нас помяни, / да избавимся от беззаконий наших: // Тебе бо дадеся благодать молиться за ны. Поклон един.

И ныне: Молите за ны святии апостоли, святии вси, / да избавимся от бед и скорбей: // вас бо теплыя предстатели ко Спасу стяжахом. Поклон един.

Под Твое благоутробие прибегаем, Богородице, / моления наша не презри во обстоянии: // но от бед избави ны, Единая Чистая, Единая Благословенная. Без поклона.

И абие чтец: Господи помилуй, 40 раз, кротким и тихим гласом. Слава, и ныне: Честнейшую херувим: Именем Господним благослови отче.

Священник: Сый благословен:

С Ы Р О П У С Т Н А Я

Чтец: Амѣнь. **И молитву:** Небѣсный Царю, веру утверди, языки укроти, мир умири, святыи храм сей (святую обитель сию) добре сохрани; прежде отшедшия отцы и братию нашу в селениих праведных учини, и нас в покаянии и исповедании приими, яко благий и Человеколюбец.

И творим три поклоны великия, и глаголет иерей молитву преподобного Ефрема Сирина:

Господи и Владыко живота моего, дух праздности, уныния, любоначалия, и празднословия не даждь ми. Поклон.


Дух же целомудрия, смиренномудрия, терпения, и любви, даруй ми рабу Твоему. Поклон.

Ей Господи Царю, даруй ми зрети моя прегрешения, и не осуждати брата моего, яко благословен еси во веки веков, амѣнь. Поклон.

И глаголет предстоятель: Слава Тебе Христе Боже, упование наше, слава Тебе. И бывает совершенный отпуст.

По отпусте же творим по обычаю чин прощения. Глаголет предстоятель слово покаянное, и подходит кийждо ко Честному Кресту, и просит прощения у предстоятеля и братии во гресех своих. Мы же припеваем стихиры покаянны, кии да волиши.





Неделя первая святого поста, в нюже православие воспоминается.

На малей вечерни

поставим стихи 4, и поем стихиры подобныя. Творение Николая, глас 1.

Подобен: Небесных чинов:

**Стих: От стражи утренняя до нощи, от стражи утренняя,/
да уповает Израиль на Господа.**

**Ныне благочестия светлость всем распрострется,/
разгоняючи леть нечестия яко облак,/
просвещаячи же сердца благочестивых;/
приидите вси припадём,/
благочестивомудренно честным иконам Христовым//
покланяющиеся православнии.**

**Стих: Яко у Господа милость, и многое у него избавление,/
и Той избавит Израйля от всех беззаконий Его.**

**Священнообразными иконами/
ныне украшается,/
яко невеста украшена Христова церковь,/
и всех созывает духовно праздновати;/
снимемся во единомыслии и вере,/
радостно величаяще Господа.**

**Стих: Хвалите Господа вси языцы,/
похвалите Его вси людие.**

**Мире весь веселися:/
се бо Господь низложит с высоты/
нечестия державу/
неизреченным промыслением./
И смиренный вознесохомся днесь к вере православия,/
благочестивою Царицею наставляеми.**

**Стих: Яко утвердися милость Его на нас,/
и истина Господня пребывает во век.**

**К Первообразному носится,/
глаголет Василий, честь иконы:/
сего ради в любви почитаем иконы/
Спаса Христа, и святых всех;/
да сих собравше,/
никогдаже ныне злочестием отведемся.**

Слава, и ныне, Богородичен:

**Безнача́льным, и Божественным естеством
невидимый, / человек виден бысть Отроковице, / от
чи́стых Твои́х кровей, за крайнее благоутроби́е; / Его́же
плоти́ написа́вше подобие, / че́стно поклоня́емся вси
ве́рнии, // и благоче́стно велича́ем.**

На стиховне, глас 2.

Подобен: До́ме Евфра́фов:

**Губи́тельства тлетво́рнаго / избегше злосла́вных, /
правосла́вия сия́нием, / сердца́ми просвети́мся, // ве́рнии,
Бо́га сла́вяще.**

Стих: Принеси́те Го́сподеви / че́сть и сла́ву.

**Арие́ва нечи́стая / упраздни́ся прелесть, / Македо́ния,
Петра́, / Севи́ра же и Пи́рра; // и све́тит Свет Трисо́лнечный.**

Стих: Поклоните́ся Ему́ / во дворе́ святём Его́.

**Не ктому́ злочести́вых / похваля́ется мра́чное уче́ние: / Бог
бо правосла́вным, / изволе́нием Феодо́ры, // жезл крѣпости даѣт.**

Слава, и ныне, Богородичен:

**Вознесла́ еси́ / смире́нных рог Богоро́дице, / ро́ждшая
Бо́га Сло́ва; / те́мже ве́рно Тя вси // чту́ща велича́ем.**

Тропа́рь, Пречи́стому Обра́зу Твоему́: И бывает отпуст.

На велицей вечерни,

**по предначинательном псалме стихословим Блаже́н му́ж: кафисму всю.
На Господи возвах, поставим стихов 10. И поем стихиры на 6, воскресны 3
и Анатолиевы 3, Осмогласника. Таже и Триоди 4 стихиры глас 6.**

Подобен: Всю́ отложи́вше:

**Стих: От стра́жи у́тренния до но́щи, от стра́жи у́тренния, /
да упова́ет Изра́иль на Го́спода.**

**Тя Непостижи́мага, / прѣ́жде денни́цы безнача́льно из
Невеще́ственного возсия́вшаго, / безплотнаго же чре́ва
Роди́телева, / проро́цы, Го́споди, Твои́м Ду́хом вдохнове́ни, /
прореко́ша отроча́ быти, / из Неискусобра́чныя воплоща́ема, /
челове́ком совокупа́ема, и су́щими на земли́ зрима: / и́миже
я́ко Ще́дрый просвеще́ния сподо́би Твоего́, // воспева́ющих
неизрече́нное, и честное́ Твое́ воскресе́ние.**

Стих: Яко у Гóспода мѣлость и мнóгое у Него́ избавлѣние/
и Той избáвит Израїля от всех беззакóний его́.

Слóвом Тя проповѣдавшии/
Богóглагóливии прорóцы,
и дѣлы почѣтшии,
безконѣчную жизнь приплóдиша;
твáри бо, Влады́ко, пáче Тебѣ Содѣтеля,
служѣти не претерпѣвше,
мѣра всего́ евангелски отврати́шася,
и сообразни бы́ша стра́сти Твоѣй,
ю́же провозвестѣша;
ѣхже молѣтвами, сподóби
непорóчно преѣти воздержáния
пóприще, // едѣне Многомѣлостиве.

Стих: Хвалѣте Гóспода вси язы́цы/
похвалѣте Его́ вси лю́дие.

Естество́м неопѣсанный Богóственным Твоѣм сый,
на послѣдняя Влады́ко воплóщься,
изво́лил еси́ описовáтися:
плóти бо прѣятием, и своѣства вся сея́ взял еси́.
Тѣмже вид Твой образовáния опису́ющии/
любѣзно целу́ем,
к Твоѣй любвѣ возвыша́еми,
и исцелѣний благодáть почерпа́ем из него́,
// апóстольским послѣдующе
богóственным предáнием.

Стих: Яко утвердѣся мѣлость Его́ на нас/
и ѣстина Господня пребывáет во век.

Пречестно́е украшѣние Христóва Цѣрковь,
честных прѣят и святых икóн,
Спáса Христа́ и Богомáтере, и всех святых/
светлѣйшее возставлѣние,
ѣмже просвещáется,
и красу́ется благодáтию,
и со́нмище отлагáет еретическое изгоня́щи;
и раду́ющися сла́вит Человеколóбца Бóга,
// ея́ рáди претерпѣвша стра́сти вóльныя.

Слава, глас 2:

Благодáть возсия́ ѣстины,
прообразу́емая дрѣвле сенóвно,
ны́не явлѣнно скончáся:
се бо Цѣрковь воплощенным образом Христóвым,
яко прекрасною ўтварию облачится,
скѣнии свидѣния образ пронапису́ющии,
и правослáвную вѣру содержа́щи;
да Его́же почитáем,
Сего́ и образ держáще, не прельщáемся.
Да облеку́тся в студ сѣце неверу́ющии:
нам бо сла́ва зрак Воплотѣвшагося/
благочѣстно покланя́емый,
не боготворѣмый. Той облобыза́юще вѣрнии возопѣим:
Бóже, спасѣ лю́ди Твоя́, // и благословѣ́ достойáние Твоѣ.

И ныне, догматик гласа. Свѣте Тѣхий: Вход

На литии же, яко обычно, стихира храма.

Слава, глас 2:

Радуйтесь, пророцы честнии,/ закон Господень добре учинивши,/ и верою явльшиися необоримии столпи неуклоннии;/ вы бо и ходатаи явистесь Новаго Завета Христова,/ и преставившеся на небеса./ Того молити, умирити мир, // и спасти души наша.

И ныне, Богородичен, глас тойже:

Все упование мое на Тя возлагаю,/ Мати Божия, // сохрани мя под кровом Твоим.

На стиховне стихиры Осмогласника.

Слава, глас 2:

Из нечестия во благочестие прешедше,/ и светом разума просветившеся,/ псаломски руками восплещим,/ благодарственно хвалу Богу приносяще:/ и на стенах, и дсках, и на священных сосудех,/ начертанным священным образом Христовым, и Пречистыя, и всех святых,/ честно поклонимся,/ отлагающе злочестную злославных веру:/ [честь бо образа, якоже глаголет Василий, на первообразное преходит,] / просяще молитвами Пречистыя Твоея Матере, Христе Боже наш, и всех святых, // даровати нам велию милость.

И ныне, Богородичен:

О, чудесе новаго всех древних чудес! / кто бо позна Матерь без мужа рождшую, / и на руку носящую, всю тварь содержащаго; / Божие есть изволение, рождшееся. / Егоже яко младенца, Пречистая, / Твоима руками носившая, / и Матерне дерзновение к нему имущая, / не престаи молящи о чуждых Тя, // ущедрити и спасти души наша.

Ныне отпускаеши: По Трисвятом тропарь Богородице Дево: дважды.

И праздника, глас 2:

Пречистому образу Твоему поклоняемся, Благий, / просяще прощения прегрешений наших, Христе Боже: / волею бо благоволил еси плотию взыти на крест, / да избавиши яже создал еси от работы вражия. / Тем благодарственно вопием Ти: / радости исполнил еси вся, Спасе наш, // пришедый спасти мир.

На утрени,

**на Бог Господь: тропарь воскресен дважды.
Слава, праздника.**

И ныне, Богородичен, по гласу тропаря:

**Вся па́че смы́сла, / вся пресла́вная Твоя́, Богоро́дице,
та́инства, / чистоте́ запеча́танной и де́вству храни́му, / Ма́ти
позна́лася еси́ нело́жна, / Бо́га ро́ждши и́стиннаго: // Того́
моли́ спаст́ся душа́м на́шим.**

И обычное стихословие; и прочее последование воскресной службы.

**Каноны: Воскресный со ирмосом на 4, и Богородицы 4,
от Осмогласника. И Триоди на 6.**

Катавасия Триоди, глас 4:

Песнь 1.

**Моря́ чермну́ю пучи́ну, / невла́жными стопа́ми, /
древни́й пешешествова́в Изра́иль, / крестообра́зными
Моисе́овыми рука́ма // Амали́кову си́лу в пусты́ни победи́л
есть.**

Песнь 3.

**Веселит́ся о Тебе́ Це́рковь Твоя́, Христе́, зову́щи: / Ты моя́
кре́пость, Го́споди, // и прибе́жище, и утвержде́ние.**

Песнь 4.

**Вознесе́на Тя ви́девши Це́рковь на Кресте́, / Со́лнце
Пра́ведное, / ста в чи́не своём, / досто́йно взыва́ющи: // сла́ва
си́ле Твое́й, Го́споди.**

Песнь 5.

**Ты, Го́споди мой Свет, / в мир пришёл еси́, / Свет Святы́й,
обраца́й / из мра́чна неведе́ния // ве́рою воспева́ющия Тя.**

Песнь 6.

**Пожру́ Ти со гла́сом хваления́, Го́споди, / Це́рковь
вопиёт Ти, / от бесо́вския кро́ве очи́щися, / ра́ди ми́лости
от ребр Твои́х // истékшею кро́вию.**

Кондак, глас 2:

**Неописа́нное Сло́во Отчее, / из Тебе́, Богоро́дице, описа́ся
воплоща́емь: / и оскве́рнившийся о́браз в древе́нее вообразив, /
Божество́нную добро́тою смеси́. / Но испове́дающе спасе́ние, //
де́лом и сло́вом, си́е вообража́ем.**

Песнь 7.

В печи авраамстии отроцы персидстей/ любóвию
благочестия пáче,/ нежели пламенем опаляеми,
взывáху:/ Благословен еси в храме славы Твоея,
Господи.

Песнь 8.

Руце распростер Даниил,/ львов зияния в рове затче;/
огненную же силу угасиша,/ добродетелию препоясавшеса,
благочестия рачители/ отроцы, взывáюще:/ благословите,
вся дела Господня, Господа.

Таже: Честнейшую:

Песнь 9.

Кáмень нерукосечный,/ от несекóмыя горы Тебé, Дéво,
краеугольный отсечеса,/ Христós, совокупивый разстоящаяся
естества.// Тем веселящеса Тя, Богородице, величаем.

Таже: Свят Господь Бог:

**Ексапостиларий утренний воскресный, единожды. Слава: Триоди,
писан наряду. И ныне: тамже.**

На хвалитех стихиры Октоиха, 5.

И Триоди подобны три, глас 4.

Подобен: Дал еси знамение:

Стих: Хвалите Его в кимвáлех доброгласных, хвалите Его
в кимвáлех восклицания, / всякое дыхáние да хвалит Господа.

В Тебé ныне радуется Цérковь,/ Человеколюбче, Женисé
и Создáтеле своем,/ сию волею Боголепною от идольския
лести избáвльшем,/ и Себé обручившем честною кровию,
свётло приёмлющи священное возставлénие икон, //
и радующися Тя поёт и славит верно.

Стих: Исповéмся Тебé, Господи, всем сёрдцем моим, / повém вся
чудеса Твоя.

Плóти изображение Твое возставляюще, Господи, /
любéзно лобызаем, / великое таинство смотрения Твоего
изъясняюще: / не мнением бо, якоже глаголют богоборнии
дети манентовы, / нам явился еси, Человеколюбче, / но
истиною и естеством плóти, // Тобою возводи́ми к Твоей
любви, и желáнию.

Стих: Возвеселюся и возрадуюся о Тебѣ,/ пою Имени Твоему,
Вы́шний.

День радостный, и веселия исполненный явился днесь:/
свѣтлость бо догмат истиннейших блиста́ет,/ и сияет
Цѣрковь Христо́ва укра́шена/ возставлѣнными ико́н святы́х
ны́не,/ и изображѣний сия́ньми,// и единомы́слие быва́ет
ве́рных богопочтѣнное.

Глас 6:

Стих: Воскресни́, Го́споди Бо́же мой, да вознесѣтся рука́ Твоя́,/ не забуди убо́гих Твои́х до конца́.

Моисей во время воздержания закон прият,/ и люди
привлечѣ;/ Илия́ постився, небеса́ заключи́;/ три́е же
о́троцы авраамстии,/ мучи́теля беззаконнующа пощѣнием
победи́ша./ Имже и нас, Спа́се, сподо́би воскресѣние
улучи́ти,/ си́це вопиющих:/ **Святы́й Бо́же, Святы́й**
Кре́пкий, // Святы́й Безсме́ртный, поми́луй нас.

Слава, паки тойже. И ныне: Препоблагословѣнна еси́:

Славословие великое. И отпуст.

На Литургии,

блаженна гласа, на 6, и от канона Триоди песнь 6-я, на 4.

Прокимен, глас 4: Песнь отцев: Благословѣн еси́ Го́споди Бо́же о́тец
на́ших,/ и хва́льно и просла́влено Имя Твое́ во ве́ки. **Стих: Яко пра́веден**
еси́ о всех, я́же сотвори́л еси́ нам. **Апостол ко евреям, зачало 329 от полу.**

Аллилуия, глас 8: Моисей и Аарон во иереех Его́, и Самуил в призывающих
Имя Его́. **Стих: Призыва́ху Го́спода, и Той послу́шаше их. Евангелие от**
Иоанна, зачало 5. И бывает Литургия Василия Великаго.

Киноник: Хвали́те Го́спода с не́бес: Други́й: Ра́дуйтесь пра́веднии
о Го́споде:





Последование молебного пения в Неделю православия

После чтения часов или после литургии из алтаря исходят все священнослужители. Выносятся иконы Спасителя и Богоматери и полагаются на аналое посреди храма.

Диакон: **Благослови, Владыко.**

Иерей: **Благословен Бог наш всегда:**

Хор: **Аминь. Царю Небесный:**

Чтец: **Трисвятое. По Отче наш: Господи, помилуй (12). Приидите, поклонимся: Псалом 74-й: Исповемся Тебе, Боже: Слава к ныне: Аллилуиа (трижды).**

Диакон произносит великую ектению и по прошении О плавающих: прилагает прошения:

О еже милостивым оком призрети на Святую Свою Церковь и соблюсти ю невредиму и непребориму от ересей и суеверий и миром Своим оградити, Господу помолимся.

О еже утишити раздирание ея и силою Святаго Духа обратити всех отступльших к познанию истины и сопричестити ко избранному Своему стаду. Господу помолимся.

О еже просветити вся светом Своего Богоразумия, верных же Своих укрепити и непоколебимых в правоверии соблюсти, Господу помолимся.

О избавитися нам: **и прочее**

По возгласе певцы, во глас 4:

Бог Господь, и явится нам:

И абие тропарь:

Благодарни суще недостойнии раби Твои, Господи, / о Твоих великих благодеяниях, на нас бывших, / славяще Тя хвалим, благословим, благодарим, поем и величаем Твое благоутробие, / и рабски любовию вопием Ти:// Благодетелю, Спасе наш, слава Тебе.

Слава, глас 3:

Твоих благодеяний и даров туне, / яко раби непотребнии, сподобльшися, Владыко, / к Тебе усердно притекающие, благодарение по силе приносим, / и Тебе, яко Благодетеля и Творца славяще, вопием:// слава Тебе, Боже Прещедрый.

И ны́не, глас 4:

Якоже вы́шняя твёрди благоле́пие, / и ни́жнюю спокáзал еси́ красоту́ свята́го селéния сла́вы Твоея́, Го́споди, / утверди́ сиé во век вéка, / и приими́ на́ша в нем непреста́нно приноси́мая Тебе́ моле́ния Богоро́дицею, // всех Животе́ и Воскресéние.

Диакон: Вóннем.

Иерей: Мир всем.

Чтец: И дúхови твоeмú.

Диакон: Премúдрость, вóннем.

Чтец: Прокíмен, глас 4: Насаждéни в домú Господни, во двóрех Бо́га на́шего процветúт.

(Стих:) Возвеселíтся пра́ведник о Го́споде и упова́ет на Него́.

Диакон: Премúдрость!

Чтец: К рíмлянoм послáния свята́го апóстола Пáвла чтéние.

Диакон: Вóннем.

Апостол, зачало 121:

Брáтие, молю́ вы, блюди́тесь от творя́щих рáспри и раздо́ры, кро́ме учéния, ему́же вы научíтесь, и уклонíтесь от них. Таковы́и бо Го́сподеви на́шему Иису́су Христу́ не рабо́тают, но своему́ чре́ву: и́же благíми словесы́ и благословéнием прельща́ют сердца́ незло́бивых. Ва́ше бо послуша́ние ко все́м дости́же: ра́дуюся же е́же о вас. Хощú же вас мúдрых úбо бы́ти во благо́е, простых же в зло́е. Бо́г же ми́ра да сокруши́т сатанú под но́ги вашá вскóре. Благода́ть Го́спода на́шего Иису́са Христа́ с ва́ми, ами́нь.

Евангелие от Матфея, зачало 75.

На сугубой ектений, по: Ещé мо́лимся о Вели́ком Господíне: прибавляются прошения:

Не хотя́й смéрти грéшных, но ожида́яй обра́щения и покая́ния, соедини́ всех во Святе́й Твое́й Це́ркви, я́ко да и́стинною véрою и благоче́стием Тебе́, Бо́га на́шего, просла́вят, мо́лим Ти ся. Всесíльный Тво́рче, услы́ши и помíлуй.

Да́вый за́поведь Твою́ нам, е́же любíти Тебе́, Бо́га на́шего, и бли́жняго своего́, сотвори́, да ненави́сти, вражды́, оби́ды, и прóчия беззакóния прекратя́тся, и́стинная же любóвь да Цáрствует в сердца́х на́ших, мо́лим Ти ся, Спасíтелю на́ш, услы́ши и мíлостивно помíлуй.

Иерей глаголет возглас: Услыши ны, Бóже: Хор: Амíнь.

Диакон: Гóсподу помóлимся. Хор: Гóсподи, помíлуй.

Иерей читает молитву:

Всевы́шний Бóже, Влады́ко и Содéтелю всея́ твáри, наполня́й вся вели́чеством Твои́м и содержай́ силою Тво́ею! Тебе́, Вседарови́тому Гóсподу нашему́, мы, недостóйнии, благодарéние принóсим, я́ко не отвращáешься нас беззакóний ráди нáших, но пáче предваря́еши ны щедрóтами Твои́ми. Ты ко избавлéнию нашему́ послáл еси́ Единорóднаго Тво́его Сы́на и благовести́л безмёрное Тво́е к рóду человéческому снисхождéние, я́ко хотéнием хочéши и ожида́еши, е́же обратíтся нам к Тебе́ и спасéным бы́ти. Ты, снисходи́ к нéмоци нáшего естества́, укрепля́еши нас всесильною Свята́го Тво́его Духа благода́тию, утешáеши спаси́тельною véрою и совершенною надéждою вéчных благ и, руководствуя избранных Твои́х в Горний Сиóн, соблюда́еши, я́ко зéницу óка. Исповéдуем, Гóсподи, вели́кое Тво́е и безприкля́дное человеколю́бие и милосéрдие. Но, ви́дяще мно́гих поползновéния, прилэ́жно Тя, Всеблагий Гóсподи, мо́лим: при́зри на Цéрковь Твою́ и виждь, я́ко Тво́е спаси́тельное благовéстие, а́ще и радóстно прияхом, но тёрнии суеты́ и страстéй творит́ óное в нéких малопло́дно, в нéких же и беспло́дно, и по умножéнию беззакóний, óвии ересьми́, óвии раскóлом противя́щися ева́нгельской Тво́ей и́стине, отступáют от достоя́ния Тво́его, отрывáют Твою́ благода́ть и поверга́ют себе́ суду́ Тво́его Пресвята́го Слóва. Премилосéрдый и Всесильный, не до конца́ гневáйся Гóсподи! Буди́ милостив, мо́лит Тя Твою́ Цéрковь, представля́ющи Тебе́ Нача́льника и Соверши́теля спасéния нáшего — Иису́са Христа́, буди́ милостив нам, укрепí нас в правове́рии силою Тво́ею, заблужда́ющим же просветí разумны́я óчи свéтом Твои́м Божéственным, да уразуме́ют Твою́ и́стину, умягчи́ их ожесточéние и отверзи́ слух, да позна́ют глас Твой и обрат́ятся к Тебе́, спаси́телю нашему́. Испра́ви, Гóсподи, иных́ развращéние и жизнь, не согла́сную христиáнскому благочéстию, сотвори́, да вси́ свято́ и непорóчно поживéм, и та́ко спаси́тельная véра укоренíтся и плодоно́сна в сердца́х нáших пребу́дет. Не отврати́ лица́ Тво́его от нас, Гóсподи, возда́ждь нам радóсть спасéния Тво́его. Пода́ждь, Гóсподи, и па́стырем Цéркве Твое́й святу́ю ре́вность, и попечéние их о спасéнии и обращéнии заблужда́ющих дýхом ева́нгельским раствори́. Да Тобо́ю вси́ руководíми, достигнем, иде́же совершéние véры, исполнéние надéжды и и́стинная любóвь, и та́мо с ли́ки чистей́ших небéсных Сил просла́вим Тебе́, Гóспода нáшего, Отца́ и Сы́на и Свята́го Дýха, во вéки веко́в.

Хор: Амíнь.

[Диакон возглашает* : Кто Бóг вели́й, я́ко Бóг наш? Ты еси́ Бóг, творя́й чудеса́ Еди́н.

Потом вы́шим глвсом: Кто Бóг вели́й, я́ко Бóг наш:

И снова вы́сочайшим гласом: Кто Бóг вели́й:

* Заключенное в квадратные скобки — до возгласа “Слава Тебе, Богу, Благодателю нашему, во веки веков” — бывает в кафедральных соборах, однако по обычаю может петься и в приходских храмах. Возгласение **Кто Бог велий:** — не прокимен, а троекратная велегласная молитва, аналогичная венчальному возгласу: **Господи, Боже наш, славою и честью венчай я.**

И продолжает диакон: Правосла́вия день пра́зднующе, правосла́внии лю́дие, наипа́че просла́вим Вино́вника всех благ Бо́га, Иже Сый благослове́н во ве́ки. Сей Бо́г на́ш, промы́шляя и утвержда́я возлю́бленное Своё досто́яние — Святу́ю Це́рковь, пра́отцев, преступле́нием отпа́дших, утеша́я неложным Свои́м сло́вом, еще в рай основа́ние ей положи́. Сей Бо́г на́ш, руководи́вша ко о́ному спаси́тельному обетова́нию, не несвидете́льствована Себе оста́ви, но хотя́щее бы́ти спасе́ние провозвести́л пе́рвее чрез пра́отцев и проро́ков, живоописа́л разли́чными о́бразы. Сей Бо́г на́ш, многоча́стне и многообра́зне дре́вле глаго́лавый отце́м во проро́цех, в послéдок дний сих глаго́ла нам в Сы́не, Имже и ве́ки сотвори́, Иже возвести́ Отчее о нас благоволе́ние, откры́ та́инства небéсная, увери́ си́лою Свята́го Ду́ха о и́стине благове́стия, посла́ апосто́лы во весь мир пропове́дати Евангелие Ца́рствия, утверди́ оное разли́чными си́лами и чудеса́ми. Сему́ спаси́тельному открове́нию послéдующе, сего́ благове́стия держа́щеся,

Ве́руем во Еди́наго Бо́га Отца́, Вседержи́теля, Творца́ не́бу и землі, ви́димым же все́м и неви́димым. И во Еди́наго Го́спода Иису́са Христа́, Сы́на Бо́жия, Единоро́днаго, Иже от Отца́ рождéннаго пре́жде всех век: Све́та от Све́та, Бо́га и́стинна от Бо́га и́стинна, рождéнна, несотворéнна. Единосу́щна Отцу́, Имже вся бы́ша. Нас ра́ди, человек, и на́шего ра́ди спасе́ния сше́дшаго с небéс и вопло́тившагося от Ду́ха Свя́та и Мари́и Де́вы, и вочелове́чшася. Распя́таго же за ны при Понти́йстем Пилáте, и страда́вша, и погребéнна. И воскрéсшаго в тре́тий день по Писáнием. И возше́дшаго на небеса́, и седи́ща одесну́ю Отца́. И па́ки гряду́щаго со сла́вою, суди́ти живым и ме́ртвым, Его́же Ца́рствию не бу́дет конца́. И в Ду́ха Свята́го, Го́спода Животворя́щаго, Иже от Отца́ исходи́щаго, Иже со Отце́м и Сы́ном споклани́ема и ссла́вима, глаго́лавшаго проро́ки. Во еди́ну Святу́ю Собо́рную и Апосто́льскую Це́рковь. Испове́дуем еди́но креще́ние во оставле́ние грехо́в. Ча́ем воскресе́ния ме́ртвых и жи́зни бу́дущаго ве́ка. Ами́нь.

Сия́ ве́ра апосто́льская, сия́ ве́ра оте́ческая, сия́ вера́ правосла́вная, сия́ ве́ра вселенну́ю утверди́.

Еше́ же Собо́ры святы́х отец и их преда́ния и писáния, Божéственному Открове́нию согла́сная, прие́млем и утвержда́ем.

Всем же о Правосла́вии подвиза́вшимся словесы́, писáнии, учéнии, стра́дании и богоуго́дным жити́ем, я́ко защи́тникам и посóбникам о́наго, Христо́ва Це́рковь, ны́нешнее воспомина́ние творя́щи, восклицáет:

свято́му благове́рному и равноапосто́льному царю́ Константи́ну и ма́тери его́ Елэ́не,

святы́м благове́рным и равноапосто́льным вели́кому кня́зю Влади́миру и княги́не Ользе, святы́м благове́рным кня́зем Алекса́ндру Не́вскому и Дани́лу Моско́вскому и прóчим благове́рным россия́ном: ве́чная па́мять.

Хор здесь и далее поет: Вечная память. (Трижды.)

Святе́йшим правосла́вным патриáрхом Константи́нопольским, Алекса́ндрійским, Антиохійским, Иерусали́мским и Всеросси́йским и Преосвяще́нным митрополи́том, архиепи́скопом и епи́скопом правосла́вным: ве́чная па́мять.

Пострада́вшим и уби́нным в разли́чных похóдах за правосла́вную ве́ру и оте́чество вождéм и во́ином и все́м правосла́вным христиáном, в и́стинней ве́ре и благоче́стии и в наде́жди воскресе́ния сконча́вшимся: ве́чная па́мть.

Правосла́вная Христо́ва Це́рковь, торжественно воспомина́ючи подви́завшихся во благоче́стии и си́е все́м своим христоиме́нным ча́дом к подража́нию представля́ючи, имее́т тако́же долг восхваля́ти по́двиги сих, и́же ны́не спаси́тельною ве́рою и добродете́лию пригото́вляюще себѣ к ве́чному блаже́нству утвержда́ют Правосла́вие.

(Здесь, по произволению настоятеля, устав полагает возглашать чин анафематствования. Диаконские возгласы и ответы хора см. в дополнении, стр. 174)

Потом возглашает диакон:

Вели́кому Госпо́дину и Отцу́ на́шему Алекси́ю, Святе́йшему Патриа́рху Моско́вскому и все́й Руси́, мно́гая ле́та.

Хор здесь и далее поет: Мно́гая ле́та. (Трижды.)

Святе́йшим патриа́рхом правосла́вным Константино́польскому, Алекса́ндрійскому, Антио́хийскому, Иеру́сали́мскому и прóчим Святе́йшим правосла́вным Предста́телем, мно́гая ле́та.

Госпо́дину на́шему, Преосвяще́ннейшему (имя рек, и епархиальный титул его) мно́гая ле́та.

Преосвяще́нным правосла́вным митрополи́том, архиепи́скопом и епи́скопом и все́му освяще́нному при́чту, мно́гая ле́та.

Богохрани́мей стране́ на́шей, власте́м и во́инству ея́, мно́гая ле́та.

Все́м правосла́вным христиа́ном, пра́во содержа́щим спаси́тельную ве́ру и повиную́щимся Христо́вой Це́ркви, пода́ждь, Го́споди, мир, благоде́нствие, изоби́лие плодо́в земных и мно́гая ле́та.

Иерей читает молитву:

Свята́я Трои́це, сих просла́ви и утверди́ да́же до конца́ в правове́рии и сотвори́, да вси прии́дут в позна́ние ве́чныя Твое́я и́стины, моли́твами Пресвяты́я Влады́чицы на́шей Богоро́дицы и Присноде́вы Мари́и и всех святы́х. Ами́нь.]

Сла́ва Тебе́, Бо́гу, Благода́телю на́шему, во ве́ки веко́в.

Певцы: Ами́нь.

И поют стихирю прп. Авмросия Медиоланскаго, глас 3:

Тебе́ Бо́га хва́лим:

Во время пения иерей и все священное собрание целуют святыя иконы на аналоях.

Последование молебна Торжеству Православия положено совершать перед литургией. Если же изволит настоятель, молебен служится по заамвонной молитве, либо после отпуста литургии.





В неделю вечера

поставим стихов 10, и глаголем стихиры Осмогласника 4, со стиховны вечерни и утрени; и Триоди подобны господина Иосифа.

Глас 4.

Подобен: Дал еси знамение:

Стих: Аще беззакония назириши, Господи, Господи, кто постоит?/ яко у Тебе очищение есть.

Даждь ми умиление, / и злых отчуждение, / и совершенное исправление, / в страсти телесней ныне погруженному, / и отдаленному от Тебе Боже Всецарю, / и ниоткудаже упования имущу; / и спаси мя блуднаго за многую благодать, // Иисусе всесильне, Спасе душ наших.

Стих: Имене ради Твоего потерпех Тя Господи, потерпел душа моя в слово Твое, / уповала душа моя на Господа.

Моисей дивный, / постом очистишься, / виде желаемого. / Сему убо поревновавши смиренная душе моя, / потщися в день воздержания от злых очиститься, / яко да Господа дающего Тебе оставление, / и очищение и избавление, // узриши сущаго Благаго и Человеколюбиваго.

Другий кир Феодора, глас 6:

Подобен: Архангельски:

Стих: От стражи утренния до нощи, от стражи утренния, / да уповает Израиль на Господа.

Постов ныне двоеседмичие светло начнем, / совершающе день от дне братие, / колесницу огненную соделавше нам, / якоже Илия Фесвитянин, / четыре великия добродетели, / ум возвысим безстрастием, / плоть вооружим чистотою, // текуще и побеждающе врага.

И Минеи стихиры рядовому святому, 3. Аще имать святой, Слава: стихиру самогласну. Аще ли несть, Слава, и ныне, Богородичен во глас Минеи, от меньших. Вход с кадильницею. Свете тихий:

Прокимен, глас 8: Дал еси́ досто́яние/ бо́ящимся Тебе́ Го́споди.

Стих: От ко́нѣцъ земли́ к Тебе́ воззва́х.

Стих: Покры́юся в кро́ве кри́л Твои́х.

Стих: Та́ко воспую́ Имени Твоему́ во ве́ки.

И паки высочайшим гласом: Дал еси́ досто́яние:

Сподоби́ Го́споди: и ектенія просительная.

На стиховне стихиры самогласны, глас 8:

**Приидіте, очисти́м себе́ ми́лостынями и щедро́тами
убо́гих,/ не трубя́ще, ни явля́юще на́ше благотво́рѣние,
да не увѣсть шу́ица десни́цы де́ло,/ да не расточи́т
тщесла́вие плод ми́лостыни,/ но в та́йне та́йная ве́дущему
воззовѣ́м:/ Отче, оста́ви прегреше́ния на́ша, // я́ко
Человеколю́бец.**

Стих: К Тебе́ воздвиго́х о́чи мои́, живу́щему на небеси́. Се я́ко
о́чи раб в руку́ госпо́дий свои́х, я́ко о́чи рабы́ни в руку́ госпожи́ свое́й;
та́ко о́чи на́ши ко Го́споду Бо́гу на́шему,/ до́ндеже ущѣ́дрит ны.

Паки таже стихира.

Стих: Помі́луй нас, Го́споди, помі́луй нас, я́ко по мно́гу
испо́лнихомся уничи́жѣнія; наипа́че напо́лнися душа́ на́ша
поноше́ния гобзю́ющих/ и уничи́жѣнія го́рдых.

Мученичен:


**Му́ченицы Господни,/ вся́ко ме́сто освяща́ете,/ и всяк
неду́г врачуете;/ и ны́не моли́те, изба́витися се́тей вра́жиих//
душа́м на́шим, мо́лимся.**

**Сла́ва: святаго Минеи, аще е́сть. И ны́не: Богородичен, по гласу
Минеи. Аще же ни, Слава, и ны́не: Богородичен, глас тойже:**

**Небе́сная пою́т Тя,/ обра́дованная Ма́ти безневѣ́стная,
и мы славосло́вим неизсле́дованное Твое́ рождество́,
Богоро́дице, // моли́ спасти́ся душа́м на́шим.**

**Посем: Ны́не отпу́щаеши: И прочее послѣдование, я́ко в сыро-
пустную неде́лю указу́ясь, зри стр. 28-29.**





Неделя вторая святых постов.

Поется настоящее последование, во святых отца
нашего Григория архиепископа, фессалонитскаго
чудотворца, Паламы.

Сложенное от святейшаго патриарха Филофея.

В субботу вечера, на малей вечерни поем последование
от Осмогласника, якоже обычно.

На велицей вечерни

На Гóсподи **возвáх**: поставим стихов 10. И поем стихиры на 6, воскресны
3 и Анатолиевы 3, Осмогласника. Таже и Триоди 4 стихиры.

Глас 2.

Подобен: Кíими похва́льными пёсньми:

Стих: От стра́жи у́тренняя до но́щи, от стра́жи у́тренняя,
да упова́ет Изра́иль на Гóспода.

Кíими благопохва́лений пёсньми воспо́им иерáрха,
богосло́вия трубу́, / огнедохнове́нная уста́ благода́ти,
честно́е ду́ха приятелище, / столпа́ цёркве непоколебíмага,
вели́кое вселённыя украше́ние, / реку́ премúдрости, све́та
свети́льника, // звезду́ я́сную, тва́рь просвеща́ющую?

Стих: Яко у Гóспода мило́сть и мно́гое у Него́ избавле́ние / и Той
изба́вит Изра́иля от всех беззакóний его́.

Паки таяжде стихира

Стих: Хвалите́ Гóспода вси язы́цы / похвалите́ Его́ вси лю́дие.

Кíими песнопёний **цвета́ми венча́им** иерáрха,
благоче́стия побóрника, / и нече́стия противника, / тёплаго
ве́ры предста́теля, / вели́каго наста́вника и учи́теля,
цевни́цу всекра́сную Ду́ха, златосия́ющий язы́к, / исто́чник
кипя́щий то́ки исцелёний ве́рным, // вели́каго и
досточúднаго Григо́рия?

Стих: Яко утвердїся мїлость Его на нас/ и истина Господня пребывает во век.

Кїими земнороднии устнѣми восхвалим иерарха,/ Цѣркве учителя, свѣта божественнаго проповѣдника,/ небесно-тайнника Троицы,/ велие монашествующих украшение,/ деянием и видѣнием просиявшаго,/ фессалонїтскую похвалу, согражданина имущаго, // мироточнаго на небесѣх божественнаго и пречуднаго Димїтрія?

Слава, глас 6:

Преподобне, треблаженне,/ святѣйший отче,/ пастырю добрый и архипастыря Христа учениче,/ положи вый душу о овцѣх;/ сам и ныне, отче наш Богоносе Григоріе,/ испроси молитвами Твоими, // даровати нам велию мїлость.

И ныне, догматик гласа. Свѣте тихий: Вход.

На литии же, яко обычно, стихира храма. Слава и ныне, Богородичен.

На стиховне стихиры Осмогласника.

Слава, глас 8:

Бодрый язык твой ко учительству,/ во ушесѣх сердечных возглашая,/ ленивых души возставляет,/ и боговещанными словесы Твоими лѣствица обретается,/ от земли к Богу возносящая./ Темже, Григоріе, Фессалии чудо,/ не претай моляся Христу, // просветити божественным свѣтом чтущия тя.

И ныне, Богородичен:

Безневѣстная Дѣво,/ яже Бога неизреченно зачѣнши плотию,/ Мати Бога Вышняго,/ Твоих рабов мольбы прими, Всенепорочная,/ всем подаючи очищение прегрешений,/ ныне наша молѣния приемлющи, // моли спастися всем нам.

Ныне отпускаеши: По Трисвятом тропарь Богородице Дѣво: трижды.

На утрени,

на Бог Господь: тропарь воскресен дважды.

Слава, святаго, глас 8:

Православия светильниче,/ Цѣркве утверждение и учителю,/ монахов доброто, богословов поборниче непреборимый,/ Григоріе чудотворче, Фессалонїтская похвало,/ проповѣдниче благодати, // молися выну спастися душам нашим.

И ныне, Богородичен:

Иже нас ра́ди рождѣйся от Дѣвы,/ и распя́тие претерпе́в,
Благі́й,/ испровѣ́ргий сме́ртию смерть,/ и воскресе́ние
явлѣ́й я́ко Бо́г,/ не презри́ я́же созда́л еси́ руко́ю Тво́ею;/
яви́ человеколю́бие Тво́е, Мило́стиве,/ приими́ ро́ждшую
Тя Богоро́дицу, моля́щуюся за ны, // и спаси́, Спа́се на́ш,
лю́ди отча́янные.

И обычное стихословие; и прочее последование воскресной службы.

Каноны: Воскресный со ирмосом на 4. И Триоди на 4, и святого на 6.

Катавасия Отвѣрзу уста́: зри в неделю мытареву.

По 3-й песни кондак Триоди, глас 4:

Ны́не вре́мя де́лательное яви́ся,/ при двѣ́рех суд,
воста́нем у́бо поста́щися,/ принесѣ́м слѣ́зы умилѣ́ния,
ми́лостынями, зову́ще:/ согреші́хом па́че песка́
морска́го./ Но осла́би, Соде́телю всех, // я́ко да при́йдем
нетле́нные венцы́.

По 6-й песни кондак святому, глас 8:

Пре́мудрости свяще́нный и боже́ственный орга́н,/
богосло́вия све́тлую согла́сно трубу́,/ воспева́ем тя, Григо́-
рие богоглаго́льниче:/ но я́ко ум Уму́ пе́рвому предсто́яй,
к Нему́ ум на́ш, о́тче, наста́ви, да зове́м:/ ра́дуйся, проповѣ́д-
ниче благода́ти.

По 9-й песни: Свят Госпо́дь Бо́г:

Ексапостиларий утренний воскресный. Сла́ва: Триоди, писан наряду.

И ны́не: там же.

На хвалитех поставим стихов 8, и поем стихиры Октоиха, 5.

И Триоди подобны три, глас 1.

Подобен: Не́бесных чино́в:

Стих: Хвалите́ Его́ в кимва́лех доброгласных, хвалите́ Его́
в кимва́лех восклицáния,/ вся́кое дыха́ние да хва́лит Го́спода.

**Блаже́нную в ми́ре жизнь соверши́в,/ и ны́не блаже́нных
сра́дуешися собо́ром,/ и на земли́ кро́тких, я́ко кро́ткий
живе́ши,/ иерáрше Григо́рие;/ благода́тию же чуде́с богатѣ-
еши от Бо́га, // ю́же пода́еши чту́щим тя.**

Стих: Уста́ моя возглаго́лют премудро́сть, / и поуче́ние се́рдца моего́ ра́зум.

Правосла́вия догма́ты насади́л еси́, / злосла́вия блаже́нне отсека́я те́рние, / и ве́ры се́мя умножа́я до́бре, / одождени́ем словес твои́х, / стокра́тный клас, я́ко де́ятельный земледе́латель // Бо́гу прине́сл еси́.

Стих: Услы́шите сия́ вси язы́цы, / внуши́те вси, живу́щие по вселе́нней.

Непорочна́го твоего́ жити́я блаже́нне све́тлости / удиви́шася а́нгел и челове́к собо́ри; / и́бо произво́лением тве́рдый страда́лец / и по́стник яви́лся еси́, / и иера́рх, и досто́йный служи́тель Бо́жий, // и друг и́скренний.

Глас 6:

Стих: Воскресни́, Го́споди Бо́же мой, да вознесе́тся рука́ Твоя́, / не забу́ди убо́гих Твои́х до конца́.

Во тьме согреше́ний ходя́щим, / свет возсия́л еси́, Христé / вре́менем воздержáния, / и благоухáнный день стра́сти Твоея́ покажи́ нам, / да вопие́м Тебе́: // востáни Бо́же, поми́луй нас.

Слава, паки тойже. И ныне: Преблагослове́нна еси́:

Славословие великое. И отпуст.

На Литургии,

блаженны гласа, на 6, и святаго песнь 3-я, на 4.

Прокимен, глас 5: Ты Го́споди сохрани́ши ны, / и соблюде́ши ны от ро́да сегó и во век. Стих: Спаси́ мя Го́споди, я́ко оскуде́ преподо́бный.

Апостол ко евреям, зачало 304. Аллилуия, гласа.

Евангелие от Марка, зачало 7. И святому вся служба святительская.

Киноник: Хвали́те Го́спода с не́бес:





В туюжде неделю вечера,

на Гóсподи воззва́х: поставим стихов 10, и глаголем
стихиры Осмогласника 4, со стиховны вечерни и утрени;
и Триоди подобны господина Иосифа. Глас 8.

Подобен: Неизчѣтен:

Стих: Аще беззакóнїя нáзриши, Гóсподи, Гóсподи, кто
постоїт?/ ꙗко у Тебе очищѣние есть.

Безчїсленная Ти прегрешїв,/ безчїсленныя мѹки
ожидáю:/ скрѣжета зѹбнаго, и плача неутѣшимаго,/ геены
óгненныя, и тьмы и тáртара,/ судїе прáведнейший, слѣзы
ми ўбо дáруй,/ їмиже обрящу оставлѣние/ и злых моїх
разрешѣние,/ постя́ся и зовѣй Ти: Влады́ко Христѣ, //
ущѣдри мя за вели́кую и богáтую мїлость.

Стих: Имене рáди Твоегó потерпѣх Тя Гóсподи, потерпѣ душá
моя в слóво Твое, / уповá душá моя на Гóспода.

Менѣ заблѹждшаго на гора́х лю́тых преступлѣний,/
взыщї Слóве, и к Тебѣ воззовї,/ обы́чаи лука́выя умá моего
далѣче отгоняя,/ умѣрша пáки оживї, и постóм очїсти,/
в плаче непрестáнном вопїю́ща и глаго́люща:/ Влады́ко
Христѣ, ущѣдри мя // за вели́кую и богáтую мїлость.

Ина стихира господина Феодора, глас тойже:

Подобен: Преслáвное:

Стих: От стра́жи ўтренниа до но́щи, от стра́жи ўтренниа, / да
упова́ет Израїль на Гóспода.

Поста́ начѣнше седми́цу трѣтїю, / Трѣ́ицу честнѹю восхва́-
лим вѣрнии, / прóчее рáдостно преходя́ще, / плотскїя же стра́-
сти увядївше от душ нáших, / цвѣты божѣственныя пожнѣм, /
венцы́ исплѣтше нача́льнице дней, / да вси Христá ꙗко
победїтеля, // венцы́ нося́ще воспѣим.

И Минеи стихиры рядовому святому, 3. Аще имать святы́й, Слава:
стихиру самогласну. Аще ли несть, Слава, и ныне, Богородичен во глас
Минеи, от менших.

Вход с кадильницею. Свѣте тїхий:

Прокимен великий, глас 8:

**Не отврати́ лица́ Твоего́ от о́трока Твоего́, яко скорблю́,
ско́ро услы́ши мя./ Вонми́ души́ мое́й, и изба́ви ю.**

Стих: Спасе́ние Твое́ Бо́же, да при́имет мя.

Стих: Да ўзрят ни́щии, и возвеселя́тся.

Стих: Взыщѣте Бо́га, и жива́ будет душа́ ва́ша.

И паки высочайшим гласом: Не отврати́ лица́ Твоего́:

На стиховне самогласен дне, дважды. Глас 8:

Брозды́ исплюва́х оте́ческа, непостоя́нным умомъ,/ со скóтскими грехá помышлѣньми пожѣхъ,/ все моё жити́е иждѣв блудно окая́нный аз,/ пи́щи лишѣн утвержда́ющия се́рдце,/ вре́менно утучня́ющею сла́стию насы́тихся;/ но Отче Благи́й, не затвори́ ми человеколю́бныя утробы́,/ но отвѣрз приими́ мя яко блуднаго сы́на, // и спаси́ мя.

Стих: К Тебе́ воздвигóх о́чи мои́, живу́щему на небеси́. Се яко о́чи раб в руку́ господѣй свои́х, яко о́чи рабы́ни в руку́ госпожи́ свое́й; тако о́чи на́ши ко Го́споду Бо́гу на́шему,/ дóндеже ущѣдрит ны.

Паки таже стихира.

Стих: Помѣлуй нас, Го́споди, помѣлуй нас, яко по мно́гу испóлнихомся уничи́жѣния; наипа́че напóлнися душа́ на́ша поноше́ния гобзѣющих/ и уничи́жѣния го́рдых.

Мученичен:

Мѣченицы Господни, всяко мѣсто освяща́ете,/ и всяк недѣг врачѣете;/ и ны́не моли́те изба́витися сетѣй вра́жиих// душáм на́шим, мо́лимся.


Сла́ва: святаго Минеи, аще есть. И ны́не: Богородичен, по гласу Минеи. Аще же ни, Сла́ва, и ны́не: Богородичен, глас тойже:

Небе́сная пою́т Тя,/ обра́дованная Ма́ти безневѣстная,/ и мы славосло́вим неизсле́дованное Твое́ рождество́, Богоро́дице, // моли́ спасти́ся душáм на́шим.

**Зде четет предстоятель, аще изволит, по обычаю,
акафист Страстем Христовым.**

Посем: Ны́не отпу́щаеши: И прочее последование, яко в сыропустную неделю указуеся.





Неделя третья Святых Постов.

Поклонение празднуем Честнаго и Животворящего Креста.

В субботу вечера, на малей вечерни, стихиры на 4. Глас 6.

Подобен: Ангельския:

**Стих: От стражи ўтренния до но́щи, от стражи ўтренния,/
да упова́ет Изра́иль на Го́спода.**

**Ны́не Ангельская во́инства копиеносят Дре́во Честно́е,/
благоговейно окружа́ющая, / и вся созыва́ющая ве́рныя
на поклонение. / Приидите ўбо постом просветившиися, /
припадём ему́ радостью и страхом, / ве́рно зову́ще: / Ра́дуйся
Честный Кресте, // ми́ра утвержде́ние.**

**Стих: Я́ко у Го́спода ми́лость и мно́гое у Него́ избавление /
и Той изба́вит Изра́иля от всех беззаконий его́.**

Паки таяжде стихира

Стих: Хвалите Го́спода вси язы́цы / похвалите Его́ вси лю́дие.

**Да Ада́мову потреби́ши кля́тву, / плоть на́шу приёмлещи
кроме́ скверны, / распина́ешься же и умира́еши, Иису́се
Преблагий; / те́мже Крест Твой, и копие, / губу́ же и трость,
гвозди́е ве́рно почита́ем, // и воскресение Твое́ ви́дети
про́сим.**

**Стих: Я́ко утверди́ся ми́лость Его́ на нас / и истина Господня
пребыва́ет во век.**

**Заключа́ет Еде́м дре́вом дре́вле змий, / дре́во же Креста́
отверза́ет Сей / всем хотя́щим постом и слеза́ми очи́стити-
ся. / Приидите ўбо подлежа́щее ви́дяще, / тому́ припадём
со страхом ве́рнии зову́ще: // отве́рзи Врата́ Небе́сная
Кресте, любя́щим тя.**

Слава и ныне, глас и подобен тойже.

Егда Кресту пригвождена виде Слове Божий, / безсечно Тебе рождающая, / взывающе вопиюще: / увы Мне Чado сладчайшее, / кое Твое смирение Боже Мой? / како безстрастный страсть терпиши, / неправедным судом? // песнословлю Твое страшное крайнее снисхождение.

На стиховне стихиры подобны. Глас 2:

Подобен: Дoме Евфрафов:

Разрешившися уз / древняго осуждения, / вернии / древом Креста, / на нем пригвожденного // Христа славословим.

Стих: Вознесите Господа Бога нашего, / и поклоняйтесь подножию ногу Его, / яко свято есть.

Прииди ныне с нами Давиде, / цевницу двизи, / Христа вознесите поя, / вернии поклонитесь // Его подножию.

Стих: Бог же царь наш прежде века, / содела спасение посреде земли.

Вознесем людие / предлежащее древо, / имже спасение / нам Христос подаёт, // и верою целуем.

Слава и ныне, глас и подобен тойже:

Крестобогородичен:

Вознесена на Кресте, / за человеки, / видящи Твоего Сына Дeво, / вопияше рыдающе: // слава благоутробию Твоему.

Таже, Ныне отпускаеши: Трисвятое. По Отче наш:

Тропарь, глас 1:

Спаси Господи люди Твоя, / и благослови достояние Твое, / победы на сопротивных даруя, // и Твое сохраняя Крестом Твоим жительство.

И бывает отпуст. По отпусте же входит священник со еклисиархом в сосудохранильницу, и возьмут Честное Древо, предвидущу свещнику и кадилу, поющим тропарь: Спаси Господи люди Твоя: И приносят на Святую Трапезу, и вжигают свещу на всю ночь.

На велицей вечерни,

На Гóсподи воззвáх: поставим стихов 10. И поем стихиры Осмогласника на 6, воскресны 3 и Анатолиевы 3. Таже и Триоди 4 стихиры , глас 5.

Подобен: Рáдуйся, пóстников:

Стих: От стра́жи у́тренняя до но́щи, от стра́жи у́тренняя, / да упова́ет Изра́иль на Гóспода.

Возсия́й, Господень Кресте, / светолу́чныя мо́лния Твоея́ благода́ти, / в сердца́ чту́щих Тя, / и Богоприятную любóвию приёмлющих, мировожделённе, / íмже слéзное потреби́ся сéтование, / и смёртных сéтей изба́вихомся, / и к при́сному весéлию приидóхом. / Покажи́ красоты́ Твоея́ благолэ́пие, / воздая́ние пода́ждь воздержáния рабóм Твои́м, / вёрно прося́щим Твоё Богáтное заступлэ́ние, // и вéлию мило́сть.

Стих: Я́ко у Гóспода мило́сть и мно́гое у Него́ избавлэ́ние / и Той изба́вит Изра́иля от всех беззакóний его́.

Рáдуйся, живонóсный Кресте, / Цёркве красны́й раю́, / дре́во нетлэ́ния, / прозя́бшее нам вéчныя сла́вы наслаждэ́ние; / íмже бесóвсти отгоня́ются полцы́, / и а́нгельсти свеселя́тся чи́нове, / и совокуплэ́ния вёрных пра́зднуют. / Ору́жие непобедíмое, / утверждэ́ние неруши́мое, / царей побéдо, священников похвалó, / Христóвы ны́не стра́сти и нам пода́ждь достíгнути, // и вéлию мило́сть.

Стих: Хвалите́ Гóспода вси язы́цы / похвалите́ Его́ вси лю́дие.

Рáдуйся, живонóсный Кресте, / благочэ́стия непобедíмая побéда, / дверь ра́йская, / вёрных утверждэ́ние, / Цёркве ограждэ́ние, / íмже тля разорíся и упраздни́ся, / и попра́ся смёртная держа́ва, / и вознесóхомся от земли́ к небéсным; / ору́жие непобедíмое, / бесóв сопротивобóрче, / сла́во мучеников, / преподóбных я́ко вои́стинну удобрэ́ние, / пристáнище спасэ́ния, // да́руй ми́ру вéлию мило́сть.

Стих: Я́ко утверди́ся мило́сть Его́ на нас / и и́стина Господня пребывáет во век.

Гряди́, первоздáнная двóице, / ли́ка отпа́дшая го́рних, / за́вистию человекоуби́йцы, / го́рькою сла́стию дре́ва, дре́вле вкушэ́нием. / Се всечестно́е вои́стинну дре́во предгрядёт, / к Немуже прите́кше радóстию облобыза́йте, /

и возопійте к Немѹ с вѣрою:/ Ты наше воззваніе, Кресте
всечестный,/ Древо Богоблаженное, Саде Небесный;/
Егоже плода причастившеса, нетленіе улучихом,/ Едема
перваго приемше известно, // и велию милость.

Слава, глас 3:

Христѣ Бѣже наш,/ вольное распятіе во общее воскресѣ-
ніе рода человеческого восприемый,/ и тростію Креста,
обагрѣніем червлѣным Своѣ персты окровавивый,/ оста-
вительная нам царски подписати человеколюбствовавый,/
не презри нас бѣдствующих,/ и паки от Тебѣ разстояніе;/
но ущѣдри, еди́не Долготерпеліве,/ во обстояніи лю́ди
Твоѣ, // и востани, побори борющія ны, яко всесѣлен.

И ныне, догматик гласа. Вход. Свѣте тихий:

На литии же, яко обычно, стихира храма.

Слава и ныне, глас 5:

Зрящи Тя тварь вся на Крестѣ нага вѣсяща,/ Содѣтеля
и Зиждителя всех,/ изменяшеса страхом, и рыдаше;/
солнце же свет омрачи,/ и земля колебашеса,/ ка́мение же
разсѣдашеса,/ и храма свѣтлость раздирашеса./ Мѣртвии
воста́ша от гробов,/ и а́нгельскія сі́лы ужасо́шася,
глаголюще:/ О, чудесѣ! Судія судится, // и страждет хотя́
за спасѣніе міра, и обновлѣніе.

На стиховне стихиры Осмогласника.

Слава, и ныне, глас 4:

Пособивый, Гѣсподи, крѣткому Давїду/ победити
иноплемѣнника,/ вѣрным лю́дем нашим споборствуй,/
и ору́жием Креста́ низложи́ враги́ наша;/ покажи́, Благо-
утрѣбне, на нас дрѣвнія милости Твоѣ,/ и да разумѣют воис-
тинну, яко Ты еси́ Бѣг;/ и на Тя надѣющіися побеждаем,
молящіися обы́чно Пречі́стей Твоѣ́й Ма́тери, //
дароватися нам вели́цей милости.

Ны́не отпу́щаеши: По Трисвятом тропарь Богородице Дѣво: дважды,
и Крестный единожды. Глас 1:

Спаси́ Гѣсподи лю́ди Твоѣ,/ и благослови́ достоя́ніе
Твоѣ,/ побѣды на сопроти́вныя да́руя, // и Твоѣ сохраня́я
Крестомъ Твоимъ жи́тельство.

И прочее последование бденія, яко обычно.

На утрени,

**по шестопсалми, Бог Господь: во глас Осмогласника,
и глаголем тропарь воскресен дважды.**

Слава, Крестный, глас 1: Спаси Господи люди Твоя:

И ныне, Богородичен:

**Гавриилу, вещавшу Тебе Деве, радуйся, / со гласом
воплощашеся всех Владыка, / в Тебе, Святем Кивоте, /
якоже рече праведный Давид: / явилася еси ширшая
небес, / поносивши Зиждителя Твоего. / Слава всельшемуся
в Тя, / слава прошедшему из Тебе, // слава свободившему
нас Рождеством Твоим.**

И обычное стихословие; аще где храм Честнаго Креста, полиелей.

И прочее последование воскресной службы.

Каноны Октоиха: Воскресный со ирмосом на 4, и Богородицы на 2.

Таже Триоди на 8, творение кир Феодора Студита.

Катавасия Триоди, глас 1:

Песнь 1:

**Божественнейший прообрази древле Моисей, /
в Чермнем мори провед Израиля Крестом Твоим, / воду жезлом
пресек, / песнь Тебе исходную // воспевая Христе Боже.**

Песнь 3:

**Утверди Владыко Христе Крестом / на камени мя веры, /
не поколебаться уму / прилоги врага злаго; // Един бо еси свят.**

По 3-й песни седален Триоди, писан наряду.

Песнь 4:

**На Кресте Тя Сильне, / светило великое виде, / трепетом
взятся, лучи сопрятав скры, / вся же тварь воспе со страхом
Твое долготерпение: // ибо исполнися земля Твоего хваления.**

Песнь 5:

**Утренююще Тя воспеваем, Спасе Щедре, / мир обретше
Крестом Твоим, / Имже обновил еси / род человеческий //
ко Свету Невечернему вводя нас.**

Песнь 6:

**Образ Божественнаго Креста, / Иона во чреве китове /
простертыма дланьма проначерта, / и взираше спасен от
зверя // силою Твоею, Слове.**

По 6-й песни кондак Кресту, глас 7:

Не ктому́ пла́менное ору́жие/ хранит врат Еде́мских:/
на ты́я бо найде пресла́вный соу́з дре́во крестное,/ сме́ртное
жа́ло, и а́дова побе́да прогна́ся./ Предста́л бо еси́, Спа́се
мой,/ вопи́я су́щим во а́де:// вни́дите па́ки в рай.

Песнь 7:

Из пла́мене о́троки изба́влéй,/ плоть при́им пришéл еси́
на зéмлю,/ и на Крестé пригво́ждён,/ спасéние нам дарова́л
еси́, Христé,// Еди́н благословéн отце́в Бо́же, и препросла́влен.

Песнь 8:

Ру́це в ров ве́рженный львов, иногда́/ вели́кий во
проро́цах,/ крестообра́зно простéр Дани́л,/ невре́ждён от
сих снэди, спасéся,// благословя́ Христа́ Бо́га во ве́ки.

Таже: Честне́йшую:

Песнь 9:

О, Ма́ти Де́во,/ и Богоро́дице нелóжная,/ ро́ждшая
безсе́менно Христа́ Бо́га на́шего,/ на Крест возне́сшагося
плóтию,// Тя ве́рнии вси досто́йно с Ним ны́не велича́ем.

По 9-й песни: Свят Господь Бог:

Ексапостиларий утренний воскресный.

Сла́ва: Креста, писан в Триоди наряду. И ны́не: тамже.

На хвалитех поставим стихов 8, и поем воскресны стихиры Октоиха, 4.

И Триоди подобны три, глас 4.

Подобен: Я́ко до́бля:

Стих: Хвалите Его́ в тимпа́не и ли́це,/ хвалите Его́ во стру́нах
и орга́не.

Во гла́сах воскликнем,/ в пёснях возвели́чим,/ Крест
Честный́ облобыза́юще,/ и к Немú возопи́им:/ Кресте́
всечестне́,/ освяти́ наша́ ду́ши и телеса́ си́лою твоёю,/ и от
вся́каго вре́да сопроти́вных соблюди́ невре́ждены,//
благочестно́ покланя́ющияся Тебе́.

Стих: Хвалите Его́ в кимва́лех доброгла́сных, хвалите Его́
в кимва́лех восклицания́,/ вся́кое дыха́ние да хва́лит Го́спода.

Приступивше, почерпите неисто́щяемых вод,/ Креста́
благода́тию пролива́емых:/ се предлежа́щее ви́дяще Дре́во
Свято́е,/ дарова́ний исто́чник,/ напоённое кро́вию и водо́ю
Влады́ки всех,/ на том во́лею возне́сшагося,// и земны́я
воздвигшаго.

Стих: Возносите Гóспода Бóга нáшего,/ и поклоняйтесь подно́жью но́гу Его́, я́ко свято́ е́сть.

Цéркве утвержде́ние, царей держа́ва,/ мона́шествующих похвалá и спасе́ние,/ ты еси́ Кресте́ Всечестне;/ те́мже поклоня́ющеся Тебе́,/ и се́рдцем и душе́ю просвещáемся днесь,/ божественно́ю благода́тию на Тебе́ пригвозди́вшагося,/ и держа́ву льсти́ваго разорившаго, // и кля́тву потре́бльшаго.

Стих: Бог же царь наш пре́жде ве́ка,/ соде́ла спасе́ние посреде́ земли́.

Во гласех воскликнем: Паки первая стихира.

Глас 6:

Стих: Воскресни́, Гóсподи Бóже мой, да вознесётся рука́ Твоя́,/ не забуди́ убо́гих Твои́х до конца́.

Высокомудраго ра́зума злых фарисеев,/ всех Господь притчею убежа́ти сего́ научи́;/ и не высокому́дрствовати па́че,/ е́же подобáет му́дрствовати,/ всех наказá, прописáние и о́браз Сам быв,/ да́же до распя́тия и сме́рти,/ Сам Себе́ излия́в./ Благодаря́ще у́бо с мытарем рцем:/ пострада́вый за ны, и безстра́стен пребы́вый Бóже,/ от страсте́й нас изба́ви, // и спаси́ ду́ши нáша.

Слава, паки тойже. И ныне: Преплагословенна еси́: Славословие великое.

Егда же начинаем пети Сла́ва в вы́шних: тогда иерей, взем кадильницу, кадит Святу́ю Трапезу и Честный́ Крест. Егда же пети нам вы́шшим гласом Святы́й Бóже: таже подьмет Его́ на дискосе со хранительницею на главу́ свою, и исходит от левыя страны престола северными дверьми, предьидущим ему́ свещам двум, и кадильнице, и отходит до Царских врат.

Скончану же бывшу Славословию и Трисвятому, глаголет священник: Премудро́сть, прости. И начинаем тропарь: Спаси́ Гóсподи лю́ди Твоя́: трижды. И полагает иерей пред Святыя Двери́ верху четвероножника Честный́ Крест, и отверз хранильницу, кадит крестообразно от четырех стран.

И поет иерей тропарь, во глас 6:

Кресту́ Твоему́ поклоня́емся, Влады́ко,/ и свято́е воскресе́ние Твое́ сла́вим. Трижды.

Такожде и мы повторяем вослед, трикраты.

И начинаем поклоняться. Кланяющимся же братьям, поем самогласны стихиры сия.

Глас 2:

Приидите, ве́рнии,/ Животворя́щему Дре́ву поклонимс-ся,/ на нёмже Христо́с Царь сла́вы волею́ ру́це распросте́р,/ вознесе́ нас на пе́рвое блаже́нство,/ ихже пре́жде сла́стию

укра́д враг,/ изгна́ны от Бо́га сотвори́./ Прииди́те, ве́рнии,
 Дре́ву поклони́мся,/ Имже сподо́бихомся невиди́мых враг
 сокруши́ти главы́./ Прииди́те, вся оте́чества язы́к,/ Крест
 Господе́нь пе́сньми почти́м:/ ра́дуйся, Кресте, па́дшаго Ада́ма
 соверше́нное избавле́ние!/ О Тебе́ ве́рнии ца́рие на́ши хва́лятся,
 я́ко Твое́ю си́лою исмаи́льския лю́ди держа́вно
 покаря́ющи./ Тебе́ ны́не со стра́хом христиа́не целу́ем;/ на Те-
 бе́ пригвозди́вшагося Бо́га сла́вим, глаго́люще:/ Го́споди, на Том
 пригвозди́выйся, поми́луй нас, // я́ко благ и Человеколю́бец.

Глас 8:

Днесь Влады́ка тва́ри, и Господь сла́вы,/ на Кресте́
 пригвожда́ется/ и в ре́бра пробода́ется,/ же́лчи и о́цта
 вкуша́ет,/ сла́дость церко́вная;/ венце́м от те́рния
 облага́ется,/ покрыва́яй не́бо о́блаки;/ оде́жду облачи́тся
 поруга́ния,/ и зауша́ется брэнною руко́ю,/ руко́ю созда́вый
 челове́ка./ По плеще́ма биен быва́ет,/ одева́яй не́бо о́блаки./
 Заплева́ния и ра́ны прие́млет,/ поноше́ния и зауше́ния;/
 и вся терпи́т мене́ ра́ди осужде́ннаго,/ Иза́витель мой и
 Бог,/ да спасе́т мир от преле́сти, // я́ко Благоутро́бен.

Слава, глас тойже:

Днесь неприкоснове́нный существо́м,/ прикоснове́н мне
 быва́ет,/ и стра́ждет стра́сти,/ свобожда́яй мя от страсте́й./
 Свет подава́яй слепы́м,/ от беззако́нных усте́н оплева́ется,
 и дае́т плещи́ за плененны́я на ра́ны./ Сего́ Чи́стая Де́ва
 и Ма́ти на Кресте́ зря́щи, боле́зненно веща́ше:/ увы́ Мне,
 Ча́до Моё́,/ что си́е сотвори́л еси́?/ кра́сный добро́тою па́че
 всех челове́к,/ бездыха́нный, беззра́чный явля́ешься,
 не име́я ви́да, ниже́ добро́ты./ Увы́ Мне, Мой Све́те!/ Не могу́
 спя́ща зре́ти Тя,/ утробо́ю уязвля́юся,/ и лю́тое ору́жие
 се́рдце Моё́ прохо́дит./ Воспева́ю Твоя́ стра́сти,/ поклоня́ю-
 ся благоутро́бию Твоему́, // Долготерпели́ве сла́ва Тебе́.

И ныне, глас тойже:

Днесь проро́ческое испо́лнися сло́во:/ се бо поклоня́емся
 на ме́сто,/ иде́же стоя́сте но́зе Твои́, Го́споди;/ и дре́ва спа-
 се́ния вкуси́вше,/ грехо́вных страсте́й свобо́ду улучи́хом, //
 моли́твами Богоро́дицы, Еди́не Человеколю́бче.

Таже ектении, и отпуст. И стихира евангельская, и час первый.

На Литургии,

блаженна гласа, на 6, и канона Креста песнь 3-я, на 4.

Вместо же Трисвятаго поем:

Кресту́ Твоему́ покланя́емся, Влады́ко, / и свято́е воскресéние Твое́ сла́вим.

Прокимен, глас 6: Спаси́ Го́споди лю́ди Твоя́, / и благослови́ досто́яние Твое́. **Стих:** К Тебе́ Го́споди воззову́, Бо́же мой, да не премолчи́ши от мене́. **Апостол** ко евреям, зачало 311.

Аллилуия, глас 1: Помяни́ сонм Твой, егóже стяжа́л еси́ испéрва. **Стих:** Бог же Царь наш прёжде ве́ка, соде́ла спасéние посреде́ земли́.

Евангелие от Марка, зачало 37. Причастный: Зна́менася на нас свет лица́ Твоего́, Го́споди.



В туо́жде неде́лю вечера́,

на Го́споди воззва́х: поставим стихов 10, и поем 4 стихиры Осмогласника умилительны, со стиховны вечерни и утрени; и Триоди 3, подобны господина Иосифа. Глас 8.

Подобен: Го́споди, а́ще и на суди́щи:

Стих: Аще беззако́ния на́зриши, Го́споди, Го́споди, кто постои́т? / я́ко у Тебе́ очище́ние есть.

Го́споди, на Кресте́ во́лею просте́рл еси́ длáни Твоя́, / сему́ умилéнием се́рдца поклони́тися и нас сподо́би, / просвещéнных до́бре постóм и моли́твами, / и воздержáнием и благотворéнием, // я́ко благ и Человеколю́бец.

Стих: Имене́ ра́ди Твоего́ потерпéх Тя Го́споди, потерпé душа́ моя́ в сло́во Твое́, / упова́ душа́ моя́ на Го́спода.

Го́споди, грехóв мои́х мно́жества, / по мно́жеству очисти́ щедрóт Твои́х, Всеще́дре, / и Крест Твой сподо́би чистóю душе́ю ви́дети, и целова́ти, / в настоя́щей седми́це воздержáния, / я́ко Человеколю́бец.

Ина стихира господина Феодора, глас 3:

Подобен: Вéлие чу́до:

Стих: От стра́жи у́тренния до но́щи, от стра́жи у́тренния, / да упова́ет Израи́ль на Го́спода.

Вéлие чу́до, дре́во ви́дится, / на нёмже Христóс во́лею распя́тся плóтию; / поклоня́ется мир, и просвещáемь взывáет: /

О, Крестá síло,/ и зрímый дéмоны палíт,/ и вообража́емь сих паля́ явля́ется!/ Убла́жаю Тя, Пречíстное Дрэво,/ почита́ю и покланя́юся со стра́хом,/ и Бо́га сла́влю,// Тобо́ю дарова́вшего мне жизнь безконéчную.

И Минеи стихиры 3. Аще имать святыи, Слава: стихиру самогласну. Аще ли несть, Слава, и ныне, Богородичен во глас Минеи, от меньших. Вход с кадильницею. Свете тихий:

Прокимен великий, глас 8:

Дал еси́ достоя́ние/ боя́щимся Тебе́ Го́споди.

Стих: От ко́нecь земли́ к Тебе́ воззва́х.

Стих: Покры́юся в кро́ве кри́л Твои́х.

Стих: Та́ко воспою́ Имени Твоему́ во ве́ки.

И паки высочайшим гласом: Дал еси́ достоя́ние:

На стиховне самогласен дне, дважды. Глас 8:

Воззрети́ очима́ на не́бо не сме́ю окая́нный аз,/ от лука́вых мои́х дея́ний;/ но я́ко мыта́рь стeня́ взыва́ю Ти:/ Бо́же, очисти́ мя грéшнаго,/ и фарисе́йскаго лицемерия́ изба́ви мя,// я́ко еди́н Благоутро́бен.

Стих: К Тебе́ воздвигóх óчи мои́, живу́щему на небеси́. Се я́ко óчи раб в руку́ господий свои́х, я́ко óчи рабы́ни в руку́ госпожи́ своея́; та́ко óчи на́ши ко Го́споду Бо́гу на́шему,/ дóндеже ущéдрит ны.

Паки таже стихира.

Стих: Помилуй нас, Го́споди, помилуй нас, я́ко по мно́гу испóлнихомся уничи́жения; наипáче напóлнися ду́ша на́ша поноше́ния гобзúющих/ и уничи́жения го́рдых.

Мученичен:


Мученицы́ Господни, вся́ко ме́сто освяща́ете,/ и вся́к недóг врачúете;/ и ны́не моли́те изба́витися се́тей вра́жиих// душáм на́шим, мо́лимся.

Сла́ва: святаго Минеи, аще есть. И ны́не: Богородичен, по гласу Минеи. Аще же ни, Сла́ва, и ны́не: Богородичен, глас тойже:

Небе́сная пою́т Тя,/ обра́дованная Ма́ти безневéстная;/ и мы славосло́вим неизсле́дованное Твое́ рождество́, Богоро́дице,// моли́ спастися душáм на́шим.

Зде четет предстоятель, аще изволит, по обычаю, акафист Страстем Христовым.

Посем: Ны́не отпу́щаеши: И прочее последование, я́ко в сыропустную неделю́ указу́ся.



Неделя четвертая Святых Постов.

Инии типичы определиша петися последованию
святаго Иоанна Лествичника.

На малей вечерни служба вся по Октоиху точию.

На велицей вечерни,

поставим стихов 10, и поем стихиры Осмогласника:

Воскресны 3, и Анатолиевы 4. Таже Триоди подобны 3, глас 8.

Подобен: О, пресла́вного чудесе́!:

Стих: Я́ко у Го́спода ми́лость и мно́гое у Него́ изба́вление/ и Той
изба́вит Изра́иля от всех беззако́ний его́.

**Отче Иоа́нне преподо́бне,/ вы́ну вои́стинну/ Бо́жия
в горта́ни возноше́ния носил еси́/ поуча́ясь де́тельнейшим,/
богодухнове́нным словесе́м все́мудре,/ и отту́ду
истека́емою благода́тию обогати́лся еси́, // быв блаже́н,
нечестивых всех сове́тования низвраща́я.**

Стих: Хвали́те Го́спода вси язы́цы/ похвали́те Его́ вси лю́дие.

**Отче Иоа́нне пресла́вне,/ слез исто́чники ду́шу очисти́в,/ и
всенощными стоя́нии/ Бо́га умилостивив,/ восперил́ся
еси́ к любле́нию Сего́ блаже́нне и красоте́;/ ея́же досто́йно
ны́не наслажда́ешься,/ непреста́нно ра́дуясь,/ со страда́ль-
цы твои́ми, // богому́дре преподо́бне.**

Стих: Я́ко утверди́ся ми́лость Его́ на нас/ и и́стина Господня
пребыва́ет во век.

**Отче Иоа́нне преподо́бне,/ восперив́ ум к Бо́гу
ве́рою,/ мирска́го смеше́ния/ омерзи́л еси́ непостоя́нное;/
и крест твой воспри́им,/ Всеви́дцу последовал еси́;/ те́ло
необузда́нное/ по́двигами обуче́ния, помы́слу порабо́тив, //
кре́постию Божество́ннаго Ду́ха.**

Слава, глас 5:

Преподобне отче, / гласа Евангелия Господня послушав, / мир оставил еси, / богатство и славу нивчтоже вменив. / Отонудуже всем возопил еси: / возлюбите Бога, и обрящете благодать вечную. / Ничтоже предпочтите паче любви Его, / да егда придет во славе Своей, / обрящете упокоение со всеми святыми, / ихже молитвами, Христе, // сохрани и спаси души наша.

И ныне, догматик гласа. Вход. Свете тихий:

На литии же, яко обычно, стихира храма.

На стиховне стихиры Осмогласника.

Слава, преподобнаго, глас 2:

На земли ангела / и на небесех человека Божия, / мира благоуукрашение, наслаждение благих, / добродетелей постнических похвалу, Иоанна почтим: / насажден бо в дому Божии, процвете праведно, / и яко кедр в пустыни / умножи стада Христова словесных овец, // в преподобии и правде.

И ныне, Богородичен:

О, чудесе новаго всех древних чудес! / кто бо позна Матерь без мужа рождшую, / и на руку носящую, всю тварь содержащаго? / Божие есть изволение, рождающееся. / Егоже яко младенца, Пречистая, / Твоима рукама носившая, / и Матерне дерзновение к нему имущая, / не престай молящи о чтущих Тя, // ущедрити и спасти души наша.

Ныне отпускаеши: По Трисвятом тропарь Богородице Дево: дважды.

И преподобному, единожды. Глас 1:

Пустынный житель и в телеси ангел, / и чудотворец явился еси, богоносе отче наш Иоанне; / постом, бдением, молитвою небесная дарования приим, / исцеляеши недужныя, и души верою притекающих ти. / Слава Давшему ти крепость, / слава Венчавшему тя, // слава Действующему тобою всем исцеления.

И прочее последование бдения, яко обычно.



На утрени,

по шестопсалми, Бог Господь: во глас Осмогласника, и глаголем тропарь воскресен дважды.

Слава, преподобному, глас 1: Пустынный житель:

И ныне, Богородичен:

Гавриилу, вещавшу Тебе Деве, радуйся, / со гласом воплощашеся всех Владыка, / в Тебе, Святем Кивоте, / якоже рече праведный Давид; / явилася еси ширшая небес, / поносивши Зиждителя Твоего. / Слава всельшемуся в Тя, / слава прошедшему из Тебе, // слава свободившему нас Рождеством Твоим.

И прочее все воскресно.

Каноны Октоиха: Воскресный со ирмосом на 4, и Богородицы на 2.

И Триоди на 8. Катавасия: Отверзу уста:

По 6-й песни кондак преподобнаго, глас 4:

На высоте Господь воздержания / истинна ты положи, / якоже звезду нелестную, / световодящую концы, // настабниче, Иоанне, отче наш.

Ексапостиларий утренний воскресный.

Слава: преподобнаго, писан в Триоди. И ныне: там же.

На хвалитех поставим стихов 8, и поем стихиры Осмогласника.

Та же, глас 1:

Стих: Воскресни, Господи Боже мой, да вознесется рука Твоя, / не забуди убогих Твоих до конца.

Приидитеделаим в тайном винограде, / плоды покаяния в нем творяще, / не в брашнях и питийх труждающиеся, / но в молитвах и постех добродетели исправляюще; / сими угождаемый Господь дела, динарь подаёт, / имже души избавляет долга греховнаго, // един Многомилостивый.

Слава, паки той же. И ныне: Препоблагословенна еси:

Славословие великое, и тропарь воскресен.

Та же ектении, и отпуст. И стихира евангельская, и час первый.

На Литургии,

изобразительныя, и блаженны гласа.

Прокимен апостола, рядового гласа.

Та же преподобнаго, глас 7: Восхвалятся преподобнии во славе / и возрадуются на ложах своих.

Стих: Воспойте Господеву песнь нову.

Апостол дне ко евреям, зачало 314. Таже преподобнаго ко ефесеем, зачало 229. Аллилуия, гласа, и преподобнаго. Стих: Насаждѣни в дому Господни во двѣрех Бѣга нашего процветут.

Евангелие от Марка, зачало 40. И преподобнаго, от Матфея, зачало 10.

Причастный: Хвалите Господа с небес: Другий: В память вечную:



В туюжде неделю вечера,

на Господи воззвах: поставим стихов 10, и поем 4 стихиры Осмогласника умилительны, со стиховны вечерни и утрени; и Триоди 3, подобны господина Иосифа. Глас 3.

Подобен: Вѣлия Креста:

Стих: Аще беззаконія наъриши, Господи, Господи, кто постоит?/ яко у Тебе очищение есть.

Великія, вѣрнии, во время покажем воздержанія труды,/ яко да славу великую получим,/ милостию Великаго Бѣга// избавляеми пламене геѣнскаго.

Стих: Имене ради Твоего потерпѣх Тя Господи, потерпѣ душа моя в слово Твое,/ упова душа моя на Господа.

Время пощения ныне преполовивше,/ начало божественнаго житія яве покажем,/ и в конец добродѣтельнаго жительства/ достигнути тепле потщимся;// яко да приимем сладость нестарѣемую.

Ина стихира господина Феодора, глас 7:

Подобен: Под кров Твой:

Стих: От стражи утрення до ноци, от стражи утрення,/ да уповает Израиль на Господа.

Преполовивше сей священный пощения путь,/ к будущему радостию потецем,/ благотворенія елеем души помазавше,/ яко да сподобимся Христа Бѣга нашего,/ и Божественным страстем поклонитися,// предварити и Страшное и Святѣе Воскресѣние.

И Минеи 3. Аще имать святыи, Слава: стихиру самогласну. Аще ли несть, Слава, и ныне, Богородичен во глас Минеи, от меньших.

Вход. Свѣте тихий:

Прокимен великий, глас 8:

**Не отврати́ лица́ Твоего́ от о́трока Твоего́, яко скорблю́,
ско́ро услы́ши мя./ Вонми́ души́ мое́й, и избáви ю.**

Стих: Спасéние Твое́ Бóже, да при́имет мя.

Стих: Да ўзрят ни́щии, и возвеселя́тся.

Стих: Взыщíте Бóга, и живá б́удет душа́ вáша.

И паки высочайшим гласом: Не отврати́ лица́ Твоего:

На стиховне самогласен дне, глас 7:

**Виногра́д насади́вый,/ и де́латели призва́вый,/ близ есть
Спас,/ приидíte, пощéния подви́жницы,/ мзду воспри́имем,/ яко богáт есть Дáвец и мíлостлив;// máло де́лавше, при́имем
душéвную мíлость.**

Ин самогласен, глас 6:

**Стих: К Тебé воздвиго́х о́чи мои́, живу́щему на небеси́. Се яко
о́чи раб в руку́ господий своих, яко о́чи рабы́ни в руку́ госпожи́ своея́;
тако о́чи на́ши ко Гóсподу Бóгу на́шему,/ дóндеже ущéдрит ны.**

**В разбо́йническа́я по́мыслы впад Ада́м,/ прельсти́ся умóм,
и уязви́вся душе́ю,/ лежа́ше наг заступлéния;/ ни священник
же прéжде за́кона внят ему́,/ ниже́ левит по за́коне возрéв
нань;/ то́кмо Ты, пришéдый Бóже,/ не от Самарíи, но от
Богороди́цы;// Гóсподи, сла́ва Тебé.**

**Стих: Помíлуй нас, Гóсподи, помíлуй нас, яко по мно́гу
испóлнихомся уничи́жения; наипáче напóлнися душа́ на́ша
поношéния гобзúющих/ и уничи́жения гóрдых.**

Мученичен:

**Мúченицы Твои́ Гóсподи,/ не отверго́шася Тебé,/ ни
отступи́ша от за́поведей Твои́х;// тех моли́твами помíлуй нас.**


Сла́ва: святаго Миней, аще есть. И ны́не: Богородичен, по гласу Миней.

Аще же ни, Сла́ва, и ны́не: Богородичен, глас тойже:

**Арха́нгельски воспои́м ве́рнии Небе́сный Черто́г,/ и
Две́рь Запеча́танну вои́стинну./ Ра́дуйся, Ея́же ра́ди
отрасте́ нам/ Спас всех Христо́с, Жизнода́вец и Бог;/
низложи́, Влады́чице, мучи́тели,/ безбо́жныя враги́ на́ша,/ руко́ю Твое́ю, Пречи́стая,// упова́ние христиа́н.**

**Зде четет предстоятель, аще изволит, по обычаю,
акафист Страстем Христовым.**

**Посем: Ны́не отпуска́еши: И прочее последование, яко в сыро-
пустную неделю указуяся.**



Неделя пятая Святых Постов.

Инии типицы предаша пети в сию неделю
последование преподобных матере нашея Марии Египетския.

На велицей вечерни,

поставим стихов 10, и поем стихиры Осмогласника:
Воскресны 3, и Анатолиевы 3. И Триоди подобны 3, глас 6.

Подобен: Всю отложивше:

Стих: От стражи утренняя до нощи, от стражи утренняя,
да уповает Израиль на Господа.

Тебе убо возбраняше честных взирания, / скверн
прежде привлеченное сквернение; / твое же чувство, и твоя
богомудрая содеянных совесть, / к лучшим тебе обращение
содеяша. / На икону бо возревши благословенныя
Богоотроковицы, / всех покаявшись прегрешений своих,
всехвальная, прежних, // в дерзновении Честному Древу
поклонилася еси.

Стих: Яко у Господа милость и многое у Него избавление / и
Той избавит Израиля от всех беззаконий его.

Паки таяжде стихира.

Стих: Хвалите Господа вси языцы / похвалите Его вси людие.

Местом поклонившись радостно святым, / добродетели
напутное спасительнейшее, / отуду прияла еси, / и zelo
потекла еси доброе шествие; / и струю прешедши Иордан-
скую, / в жилище Предтечево усердно вселилася еси, /
и страстей свирепство жительством омрачила еси, /
истончаваючи в дерзновении, / приснопамятная матери, //
плотская свойства.

Стих: Яко утвердися мѣлость Его на нас/ и истина Господня пребывает во век.

В пустыню вселившись,/ Твоих страстей образы от души отъяла еси,/ боговиднейшее изображение в души написавши,/ добродетелей виды;/ и толико просияла еси,/ яко и водами легко переходити, блаженная,/ и от земли взиматися в твоих к Богу молениих;/ и ныне в дерзновении всеславная Маріе,/ Христу предстоящи, // молися о душах наших.

Слава, глас 4:

Очудотвори, Христе, Креста Твоего сила,/ яко и яже прежде блудница,/ постническим подвигом подвизаяся;/ отнюдуже и немощное отвергнувши,/ доблественно сопротивостя на диавола./ Темже и почесть победы носящи, // молися о душах наших.

И ныне, догматик гласа. Вход. Свете тихий:

На стиховне стихиры Осмогласника.

Слава, преподобныя, глас 2:

Душевная ловления, и страсти плотския/ мечем воздержания посекла еси;/ помысла прегрешения молчанием обучения подавила еси,/ и струями слез твоих пустыню всю напоила еси,/ и прозябла еси нам покаяния плоды. // Темже Твою память, преподобная, празднуем.

И ныне, Богородичен:

О, чудесе новаго всех древних чудес!/ кто бо позна Матерь без мужа рождшую,/ и на руку носящую, всю тварь содержащаго?/ Божие есть изволение, рождающееся./ Егоже яко младенца, Пречистая,/ Твоима рукама носившая,/ и Матерне дерзновение к нему имущая,/ не престаи молящи о чтущих Тя, // ущедрити и спасти души наша.

Ныне отпускаеши: По Трисвятом тропарь Богородице Дѣво: дважды.

И преподобныя, единожды. Глас 8:

В тебе, матери, известно спасется еже по образу;/ приимши бо крест, последовала еси Христу,/ и деючи учила еси презирати убо плоть, переходит бо,/ прилежати же о души вещи безсмертной. // Темже и со ангелы срадуется, преподобная Маріе, дух твой.

На утрени,

по шестопсалми, на Бог Господь: тропарь воскресен дважды.

Слава, преподобных, глас 8: В тебе, мати:

И ныне, Богородичен:

Иже нас ради рождёйся от Девы, / и, распятие претерпёв,
Благий, / испровергий смертию смерть, / и воскресение явлёй, яко
Бог, / не презри, яже создал еси рукою Твоею, / яви человеко-
любие Твое, Милостиве. / Приими рождшую Тя Богородицу,
молящуюся за ны, // и спаси, Спасе наш, люди отчаянные.

Каноны Октоиха: Воскресный со ирмосом на 4, и Богородицы на 2.

И Триоди 2 канона, на 8. Катавасия: Отвёрзу уста:

По 6-й песни кондак преподобных, глас 3:

Блудами первее преисполнена всяческими, / Христова
невеста днесь покаянием явися, / ангельское жительство
подражаючи, / демоны Креста оружием погубляет. // Сего
ради Царствия невеста явилася еси, Марие преславная.

Ексапостиларий утренний воскресный.

Слава: преподобных, писан в Триоди. И ныне: тамже.

На хвалитех поставим стихов 8, и поем стихиры Осмогласника.

Таже преподобных, глас 1:

Стих: Воскресни, Господи Боже мой, да вознесётся рука Твоя, /
не забуди убогих Твоих до конца.

Несть Царство Божие пища и питие, / но правда и
воздержание со святостию. / Темже не богатии внидут в
не, / но елицы сокровища своя в руки нищих влагают. / Сия
и Давид пророк учит, глаголя: / праведен муж милуяй весь
день, / наслаждайся Господеви, / и во свете ходяй не
пóткнется. / Сия же вся к наказанию нашему писашася, /
яко да постыщеся благостию творим, // и даст нам Господь
вместо земных небесная.

Слава, паки тойже. И ныне: Преблагословенна еси:

Славословие великое, и тропарь воскресен. Таже ектении, и отпуст.

На Литургии,

блаженна и прокимен рядового гласа.

Апостол дне ко евреям, зачало 321 от полу.

И преподобных, к галатом, зачало 208. Аллилуия гласа.

Евангелие от Марка, зачало 47. И преподобных, от Луки, зачало 33.

Причастный: Хвалите Господа с небес:



В туюжде неделю вечера,

на Гóсподи воззвáх: поставим стихов 10,
и поем 4 стихиры Осмогласника умильтельны,
со стиховны вечерни и утрени; и Триоди 3,
подобны господина Иосифа. Глас 1.

Подобен: Прехвáльнии мýченицы:

Стих: Аще беззакóния нáзриши, Гóсподи, Гóсподи, кто
постоит?/ я́ко у Тебе очищéние есть.

**Обнищáв богáтый, Христé,/ челове́ки обогати́л еси́
безсмéртием и свéтлостию./ Тёмже обнищáвшего сластьми́
жити́я,/ добродéтельми мя обогати́,/ и убо́гому Лázарю
сочини́,/ богáтого мя мучéния избавля́я, // и геéны
предлежа́щая мне.**

Стих: Имене ра́ди Твоего́ потерпéх Тя Гóсподи, потерпé душá
моя́ в сло́во Твое́,/ упová душá моя́ на Гóспода.

**Злóбою обогати́хся лю́те, и сла́дость возлюбих́,/ и сýщих
в жити́и наслади́хся сластей́, Гóсподи,/ и огню́ геéны подсуждён
бых;/ глáдом та́юща умóм, я́ко Лázаря презира́ема,/ пред
враты́ Божéственных дея́ний повéржена, // ущéдри мя,
Влады́ко.**

Ина стихи́ра, глас тойже:

Подобен: Облак Тя:

Стих: От стра́жи у́тренния до но́щи, от стра́жи у́тренния,/
да упováет Изра́иль на Гóспода.

**Шесту́ю от честных́ постóв седми́цу, усéрдно начина́юще,/
Гóсподеви предпразднственное пéние ва́ий принесём вёрнии;/
Грядúщему во сла́ве, си́лою Божества́ во Иерусали́м, умертв́ити
смерть./ Тёмже уготóвим благочéстно побéдныя о́бразы,/
вётви добродéтельныя, // Осáнна вопи́юще Творцú всех.**

**И Минеи 3. Аще имать святы́й, Сла́ва: стихи́ру самогласну.
Аще ли несть, Сла́ва, и ны́не, Богородичен во глас Минеи, от менших.**

Вход. Свéте т́хий:

Прокимен великий, глас 8:

Дал еси́ достоя́ние/ боя́щимся Тебе́ Гóсподи.

На стиховне самогласен дне, глас 1:

Чуден Спасов нас ради человеколюбивый нрав,
хотящих убо быти разум, / яко настоящих стяжав, / Лазарево
и богатаго житие обличий. / Обою конец смотряюще: /
оваго убо бежим немилосердия и безчеловечия, / оваго же
поревнуим терпению и веледушию, / во еже с ним во
авраамлих недрах греемым вопити: // Правосуде Господи,
слава Тебе.

Стих: К Тебе воздвигох очи мой, живущему на небеси. Се яко
очи раб в руку господий своих, яко очи рабыни в руку госпожи
своея; тако очи наши ко Господу Богу нашему, / дондеже
ущедрит ны.

Паки таяжде стихира.

Стих: Помилуй нас, Господи, помилуй нас, яко по многу
исполнихомся уничижения; наипаче наполнися душа наша
поношения гобзующих / и уничижения гордых.

Мученичен:

**Молитвами, Господи, всех святых и Богородицы, / Твой
мир даждь нам, и помилуй нас, // яко един Щедр.**

Слава: святаго Минеи, аще есть. И ныне: Богородичен, по гласу Минеи.

Аще же ни, Слава, и ныне: Богородичен, глас тойже:

**Небесных чинов радование, / на земли человек
крепкое предстательство, / Пречистая Дево, / спаси ны иже
к Тебе прибегающия, / яко на Тя упование // по Бозе,
Богородице, возложихом.**

**Зде чет предстоятель, аще изволит, по обычаю,
акафист Страстем Христовым.**

**Посем: Ныне отпускаеши: И прочее последование, яко в сыропустную
неделю указуяся.**

**И престают зде Недели Триоди Постной,
Цветоносия и Страстей Христовых ради,
с тем конец книги сей, и Богу слава.**

